

中东铁路各站调查书

中東鐵路各站調查書

民國十九年特區路警處有調查中東鐵路沿線各站狀況之舉條列二十四項分行所屬詳晰填報嗣各屬分別查復其較爲詳確者已登入路警彙刊茲屬所司覆加考訂酌爲增損又芟其重複者析爲三卷適編印十九年統計書因以此編附印仍作爲單行本藉便省覽沿路各站大抵榛莽初開別無專書可資參考而各屬調查詳略不一其所根據或證之目驗或得之傳聞所紀物產出入之數或據各站簿冊或祇估計大概未能爲有統系之記述尙擬賡續調查以期詳確此特舉其厓略而已是編查訪成於衆手而彙輯成書則顧科員思範實主其事例得附書

#### 路警處識



# 中東鐵路各站調查書目錄

## 卷上

東路 哈爾濱 香坊 成蒿子 阿什河 二層甸子 小嶺 帽兒山 小九站 烏吉密 烏吉

密河 一面坡 魯克邵 葦沙河 牙不力 石頭河子 高嶺子 橫道河子 山市 海

林 牡丹江 乜河 磨刀石 抬馬溝 穆稜 穆稜小站 下城子 馬橋河 太平嶺

細麟河 小綏芬 綏芬河

## 卷中

西路 廟台子 對青山 滿溝 宋站 安達 薩爾圖 喇嘛甸子 小蒿子 煙筒屯 昂昂溪

富拉爾基 庫爾庫拉 都爾池哈 碾子山 成吉思汗 札蘭屯 哈拉蘇 巴里木

雅魯 博克圖 興安嶺 宜立克都 烏奴爾 免渡河 雅克石 札勒木特 哈克 海

拉爾 烏固諾爾 望宮 赫勒洪德 槎岡 札蘭諾爾 滿洲里

## 卷下

南路 顧鄉屯 沈家王崗 二屯 五家子 雙城堡 蔡家溝 三岔河 陶賴昭 松花江 密

門 烏海 米沙子 寬城子



# 中東鐵路各站調查書卷上

東路

## 哈爾濱站

**位置** 本站地屬東省特別區在秦家崗之西北距中東鐵路管理局約二里許總鐵路巡警之事者爲路警處在站南半里許分全路警務爲六段本站爲第一段之總匯站之附近有第一段總署

**交通** 本站地接吉林省濱江縣境在東省特別區哈爾濱之南崗東距阿城縣一百零二里南距雙城縣一百七十里西距黑龍江省安達縣二白四十里北距呼蘭縣六十里與南崗毘連者在特別區範圍爲道裡在濱江縣範圍爲道外電車汽車馬車人力車長途大汽車往來通行極爲便利阿城縣在其東雙城縣在其南爲中東路線必經之地呼蘭縣在江之北夏季有汽船划船往來冬季有攪犁汽車在江面冰上通行由馬船口乘呼海客車至呼蘭縣約須二小時每年江面將凍將解之時呼海路由松浦站加開客車銜接中東路廟台子站同時松花江鐵路江橋亦開放許行人經過迨凍堅或解盡船車可以通行仍復停止沿江上下游交通則另有大小汽輪拖帶駁船搭客載貨上行可達吉林扶餘縣下行至江同縣松花江黑龍江合流處之三岔口入黑龍江由此東北行至綏遠縣折而南入烏蘇里江可達虎林密山等處西北行可達黑龍江省之黑河其對岸即俄屬海蘭泡又西則達漠河各船搭客載貨取價不一均有定章

風俗 本埠近年以來地方日趨繁華華俄雜居習慣不同以華人而言或染歐化或守舊風頗不一致文化智識日見進步實業日漸發展商務尤見擴充似有日新月異之勢

山水 松花江在站北道裡古名粟米江遼史作混同江又曰黑龍江金史作宋瓦江亦曰混同江至明時始改稱今名上流發源於長白山蜿蜒西下經哈爾濱至同江縣會黑龍江而東入海江面寬窄水量深淺隨地而異上游自吉林扶餘縣下游迄黑龍江之黑河屯均有大汽船往來哈爾濱江面偏北中流數島屹立較著者爲太陽島十字島每屆夏令風景頗佳館肆林立中外人士每值夕陽斜照或結伴游泳或蕩舟中流頗極清游之盛

古蹟 本站之東相距約半里之遙有許文肅公景澄紀念碑文肅公爲清光緒二十三年中俄兩國定議建築中東鐵路時駐俄大臣後以侍郎兼任鐵路公司督辦拳匪之亂爲端王所陷斬於東市此碑紀念公之功績其實公未嘗至哈爾濱也紀念碑之東有極樂寺乃朱長官慶瀾創修寺之東南爲市政局新建之文廟工程仿園子監式氣象肅穆凡費七十餘萬圓云

名勝 本站毗近松花江旣擅天然風景而道裏之特區公園馬家溝之東路城市總段果木園道外之濱江市政籌備處公園等處亦爲勝地

物產 物產增減視歲收豐歉而定本站週圍六七里外農民皆種菜蔬以供全埠居戶之需全年收成約計三千九百五十噸上下雜糧等次之



輸出品 全年輸出經由本站者統計糧食約一百四十五萬六千餘噸其中行銷歐洲日本者約佔十分之六餘均分銷各省

輸入品 全年輸入殊難統計經由本站者以雜貨爲大宗約計二十九萬八千餘噸

治安 路警專司界內保護之事護路軍亦同東省特別區警察管轄之區則在路警轄界以外全路所經之地均是如此

旅舍 東有鐵路格蘭德大旅館在車站附近房間清潔設備完全取費視房間等級而定道裏中央大街之俄商馬迭爾飯店道外十六道街之新世界亦均旅舍中之佳者此外中小旅舍不下數十百家鐵路設備 本站設備自地包工廠而外有格蘭德大旅館鐵路華俄俱樂部中央醫院圖書館果木園各小花園浴場球場江北水上俱樂部等

地方狀況 本站往年原爲荒地自中東鐵路告成建築房舍繁榮市政於是戶口日增而俄籍尤多我國初在道外傅家甸開闢市街後乃設立縣治即濱江縣也民國六年俄國革命亂黨伏於東路我國不得已爲維持哈爾濱治安七年遂有商警之設八年設臨時警察局收回統治權警察權十二年設特別區行政長官公署以中東路沿線舊日鐵路範圍以內之地爲管界當歐戰方殷之時中東路停止運輸百貨不能進出口商業會一度低落及歐戰結束又復繁興十八年受中俄糾紛之影響地方頗呈恐慌之象十九年又受金價騰貴之關係商業又復停滯至市面流通則以哈洋爲準日本金票其勢力足以

操縱於其間此可慮也

市政 本埠乃吉黑商業薈萃之區市政設備最完公共事業慈善事業均經次第興辦名稱地點詳最近出版之哈爾濱指南

機關 本埠爲東省特別區之首市機關林立除關於本路路政者外茲將較著者分列於下

東省特別區行政長官公署 東省護路軍總司令部 中東鐵路督辦公署 中東鐵路理事會監事會 中東鐵路管理局 東省特別區路警處 東省特別區警察管理處 東省特別區地畝管理理局 東省特別區教育廳 東省特別區市政管理局 哈爾濱特別市市政局 東省特別區電報局 東省特別區電話總局 吉黑郵務管理局 哈爾濱木石稅費總局 濱江關監督公署 濱江關稅務司署 東省特別區高等法院 東省特別區地方法院 東省特別區高等檢察處 東省特別地方檢察處 東北航務局 東北水道局 長綏司令部 濱江鎮守使署 陸軍十八旅司令部 江防司令部 哈滿司令部 黑龍江鐵路交涉局 吉林鐵路交涉局 哈爾濱稅捐局 廣播無線電台 東三省無線電台 鹽務稽核分處 吉黑權運局 松黑郵船局 東北防疫事務處 長綏印花辦事處 濱江縣政府 濱江地方法院 濱江地方檢察處 濱江商埠公安局 濱江縣公安局 濱江縣教育局 濱江縣實業局 濱江市政籌備處 濱江警備司令部 東省特別區水上警察署 東省特別區長途電話局 濱江稅捐局 濱江電報局 濱江電

話局 濱江印花稅辦事處 濱江水上的公安局 吉林交涉員駐哈辦事處 日本總領事館 英國領事館 義國領事館 美國領事館 瑞士領事館 德國領事館 蘇聯總領事館 波蘭領事館 法國領事館

學校 本埠毗連濱江學校林立其設在特區界內者爲東省特別區法政大學第一學區區立第一二三四中學第一二女子中學工科第一高級中學及其他小學均係華生蘇聯路員子弟第一商業學校第一女子商業學校職業學校第一一三四中學校均係俄生東省特別區工業大學及附屬之工業中學華俄生合組學額不一經費由中東路局擔負半數由長官公署及市政局籌認半數撥交特區教育廳支配發放此外東省鐵路辦理之扶輪傳習所經費由路局撥發特區高等警察學校原係路警教練所改組經費仍由路警處常年預算內支撥金洋五萬六千四百二十四元呈由長官公署支配

自治團體 本埠自治團體不勝枚舉茲將較著者分列如後 市自治會 市監察委員會 市參事會 哈爾濱總商會 銀行公會 油業公會 火磨公會 糧業公會 電業公會 錢業公會 航業公會 報界公會 濱江縣公會 律師公會 濱江青年會 三江閩粵會館 直隸同鄉會館 山東同鄉會館 市農會 縣農會

農況 本埠周圍田地均已墾熟土質肥沃遍種菜蔬較遠之地則種雜糧農民約四千人左右發展實業 本埠爲商業總匯之區可發展之實業良多近因受金融之影響尙鮮投資新創者

### 香房站

**位置** 本站地屬濱江縣在縣治東南十八里東路自哈爾濱至綏芬河皆在吉林省境內此站爲築路時總匯之地故俄人稱爲舊哈爾濱路警第一段香房分駐所駐此

**交通** 本站東連上號鎮土名田家燒鍋南距安樂村約里許爲赴阿城縣之孔道因火車可達故鮮車馬往來西北密邇南崗有大汽車往來不絕交通便利儼在同一都市也

**風俗** 本站當地華民居多率自直魯等省移來舊日居此者亦有之風俗淳樸智識開化

**古蹟** 本埠有慈雲觀亦名關帝廟清光緒二十九年建距站約三里許

**名勝** 本站東北六里有遼園乃馬君忠駿之別業布置蕭散花木芬芳有人介紹可入內遊覽

**物產** 本站附近物產以元豆麵粉豆油紅糧等類爲大宗產量視歲之豐歉而定

**輸出品** 全年輸出經由本站者元豆麵粉豆油小麥豆餅等類統計約八十六萬六千八百五十餘噸  
**運銷海參崴長春安東等處**

**輸入品** 全年輸入經由本站者木柈木炭石灰洋草石頭土沙煤觔元豆小麥及雜貨計約七十一萬三千六百三十七噸

**治安** 本站由路警保護並有常駐之陸軍第十八旅之砲兵連東省特別區界內則有警察第四署及特區警察濱江縣界內有上號鎮保衛團濱江公安第一分局分別負責保衛四時尙稱安靜

鐵路設備 本站有中東鐵路設立之花園一所在站之東北端內附設圖書館網球場園外設沐浴場暨中央醫院分院農事試驗場印刷所等

地方狀況 本地昔爲鎮市然人口稀少自中東鐵路告成又以接壤哈爾濱頻年日見繁盛市面流通以哈洋爲標準全路通用貨幣大率如此茲不備列

市政 本站市內較大之工場一處工廠三處一汽車道工場二三行膠合板工廠三染料工廠均用機器係俄人經辦各原料來自中東路海林石頭河子林都爾奇哈等站四東省特別區平民女子工廠工作分機器手工兩種工料採自長春大連等處廠內並附設嫠婦嬰兒撫養所係行政長官所創辦

機關 本站機關除關於路政者外有東北陸軍第十八旅砲兵連東省特警第一區第四署特區稅捐分局屠宰場郵務分局等處 機關關於路政者如路警分駐所鐵路工務段車務段機務段車站貨房工廠等皆是視站之大小爲設備之疏密沿路各站情形不一詳見路警處每年統計書中茲不備載

學校 市內學校分華校俄校二種華校有東省特別區第八初級中學學額一百一十人第六高小初級學校學額約三百人俄校有鐵路局所立第十五校學額一百五十餘人蘇聯子弟第一幼稚園學額六十餘人俄僑第七初級學校學額七十餘人蘇聯第六初級學校學額一百二十人經費均由特別區教育局撥放

農況 本站附近荒田均已開墾待墾者無幾農戶華人約六七千人韓僑約五六百人

發展實業 遯園主人馬君忠駿提倡製造化學磚每磚面積約等普通磚四十八方現正籌劃創辦

### 成蒿子站

位置 本站地屬阿城縣在縣治西北四十五里有路警分駐所

交通 本站迤東八里許有義興家村南六里許有黃河沿村西五里許有萬德號村北八里許有茉莉街村西北接濱江縣東北接賓縣西接雙城縣濱江雙城皆中東路綫所經賓縣僅有套馬大車來往每人旅費至多哈洋五元每車載貨容量約二噸四時皆可通行

風俗 本站之地自路線開通各省農戶移來分居各村風俗檢樸並有入籍韓人約二百餘

山水 本站附近無山有阿什河寬約十丈深約五尺通松花江小舟往來甚少

物產 本站附近物產元豆爲大宗小麥次之元豆年產約二千噸小麥約七白噸

輸出品 全年輸出經由本站者元豆約一千四百餘噸行銷香房哈爾濱等處

輸入品 輸入之物經由本站者爲零星雜貨以供路員及附近民戶之需無從統計

森林 站南約二里之遙有柳條通一帶所謂柳條邊也南起阿城縣境北達濱江境長約百餘里寬約四里許爲大嘎哈六家子三家子小嘎哈狍狍屯滿洲屯七里屯大八戶屯小八戶屯四家子馬鞍山茉莉村靠河寨黃河崴子各村所公有均分定界限不得逾界砍伐每年產量約三十餘萬緡附近無軍隊屯駐每屆夏秋胡匪出沒其間行人來往咸有戒心

治安 本站範圍由路警保護路線以外爲特區警察轄境特區以外由阿城縣第三公安分駐所保衛  
春冬稍寧靜夏秋匪類見滋擾但路站界內尙稱安謐

機關 本站界外有阿城縣第三公安分局及阿城稅捐分卡駐於距站里許大壕哈村內

學校 大壕哈村內有阿城縣立國民學校一處學生約六十餘人經費由阿城縣教育局籌發

農況 本站附近荒地墾熟者較待墾者爲五與三之比農戶華人約二千餘人韓人佔十分之三

### 阿什河站

位置 本站地屬阿城縣在縣治東北四里路警第一第四兩段於此分界站東爲第四段有阿什河站  
分駐所

交通 本站東十里有半拉城子及拉古屯二十五里有遼甸子鎮乃阿城縣境內一大鎮市東北四里  
餘有兩屯並列一名藍旗屯一名小紅屯南四里許有炮手屯西南三十里有巖子屯西北五里有太平  
嶺屯十二里有滿州屯七老爺屯月牙泡屯六十里有蜚克圖鎮亦縣境一大鎮市東北距賓縣一百二  
十里西北距濱江縣九十里南距五常縣一百六十里西南距雙城縣一百四十里濱江雙城交通便利  
其他各縣僅有載重馬車輸送貨物每車容量約百斤需車費一元祇有冬季可行夏季以道路泥濘無  
往來者旅客以賃車困難率皆步行每日旅費約需一元五角至二元之譜

風俗 本站民風樸實勤儉住房均係對面火炕自交通便利俄人雜居以來房屋亦逐漸改仿俄式市

面亦較前發達現有居民已達八十餘戶統計六七百人均自內省移來耕田作工以謀生活

山水 本站之東二十餘里以外峯巒疊起愈東愈深南起帽兒山北達老頭山中間之峰俗名甚多統名曰東山其山脈皆自長白山分支金史地理志所謂山有長白青嶺馬紀嶺即此其分支旁出者也距縣署五里之陽有河曰阿什河南起帽兒山麓北通拉拉屯而入松花江金史作安楚虎水又曰安春清一統志作阿勒楚喀亦曰阿爾楚客以上四名皆愛新之轉音愛新者金也上游爲金水之源故名金源明設阿實衛於此故又名阿什河河面寬二三丈至四五丈不等深數尺可以行舟水淺之處囊裳可涉車馬通行俱不用船又縣署迤東二十餘里有水曰海溝狹而深有橋梁卽金史海古勒水也再東六十里又有狹河一道有橋有舟名曰蜚克圖河卽明史費克圖河也

古蹟 本站相距七里縣城之南有古城基長十里寬八里有腰城一道墻厚九尺高兩丈餘名曰白城今城垣已圯而遺跡猶在城西南隅有土堆三五俗名五朝門乃金宮殿舊址城西門外有臺一座面積四畝五分高三丈餘俗名斬將臺南門外距站二十一里又有一臺與此臺相埒俗名點將臺城西又有土隴一所南寬北狹環如覆鐘俗名窩羅圈中有晉井傳聞數年前井中有一鐵練長短莫測有好事者謀絞出之不數丈井內有聲如風吼懼而釋手練仍墜井中迄不知所鎖何物也現此鎖已完全陷於井內矣按金史女眞第四世獻祖名綏可者率其所部遷居海古之地始爲棟宇之制六傳至太祖阿骨達汗建國號曰金卽位稱皇帝傳弟烏珠汗滅宋平遼乃於天眷元年定爲上京建都於此再傳至海陵



王亮貞裕四年焚燬宮室遷都燕京削上京之號迨世宗大定十三年重脩宮殿改爲上京路會寧府明永樂時因關外歸附日多復於此地設阿實衛此白城沿革之大概至白城之名有謂金時尙白故名白城又一說元時焚燬後名曰敗城後因敗字不祥清時改爲白城至附城之兩臺則無可攷城西高隴疑係太祖葬處城東復有一小古城俗名駙馬城並有石羊石豕之屬又縣東十餘里有半拉城子縣北六十里城子溝屯有古城五縣北四十里石人溝屯亦有石人石羊石猴皆無文獻可徵惟金代軍制每百戶設一謀克又曰穆昆十謀克設一猛安又曰明安皆築圍以居境內各處之小古城疑均係當時猛安謀克之寨非設肆列市之地也以此類推則凡今吉林境內所稱高麗城大率如是

名勝 阿什河發源於帽兒山山麓有塘亂石堆集越石塘而北有泉突然湧出形如噴水湧出之水匯而成溝愈流愈寬即成此河帽兒山之東北有山名松蓬山上有寺工程浩大殿閣雄壯帽兒山之北有老窰嶺嶺上建小廟一傳聞築中東路時曾經俄人拆除以屢顯神異仍復重建工程頗鉅迄今猶存物產 本站附近物產全年收穫包米約九千九百萬斤元豆約九千五百萬斤穀約九千二百二十五萬斤高粱約九千零七十萬斤小麥約一千一百八十萬斤

輸出品 全年輸出經由本站者元豆小麥豆油豆餅紅糧火柴爲大宗統計約七萬八千四百噸元豆小麥分銷哈爾濱長春營口大連等處餘分銷各城鎮

輸入品 全年輸入經由本站者爲麵粉木梓布疋雜貨等統計約二萬五千三百噸分銷各城鎮

礦區 站東十里許半拉城子有華商范柏林沙荒地十餘晌創辦沙子場工人百餘名又距站四里之炮手屯有華商劉乙普沙地十數晌距站十二里滿洲屯華人呂泰沙地十餘晌均辦沙子場供鐵路需用由路局修築支路自行運輸聞每年獲利各約萬元之譜

治安 本站有路警護路軍站外有特區警察分任維持特區界外阿城縣境則有縣公安遊擊隊保衛防剿夏秋之交青紗障起胡匪出沒防務最嚴

旅舍 本站附近僅有小店一家亦不潔淨縣城市內有較好旅店四家曰天泰棧慶源棧吉祥棧海濱旅館膳宿各有定價

鐵路設備 有鐵路設分醫院打球場男女野浴所花園俱樂部各一處

地方狀況 阿勒楚喀本清時副都統之地爲吉林西北一大都會今則華俄住戶歷年遞增市面發展附近居民二百六十餘家丁口約計一千四百餘人市面流通哈洋吉洋官帖俱可通用惟商民以官帖爲本位

市政 東路電燈廠一所設於站界之內供各辦公所燃用阿城縣麗東電行附設之電燈廠供商民住戶燃用站南里許有明遠火柴廠華人楊聘山創辦用機器製造火柴而以人工裝盒造箱工人約三百名每日工作六小時可成火柴一百三十箱原料採自日德兩國又站南半里以外有糖廠一處哈爾濱永勝火磨俄人創辦廠址佔面積約十餘晌其製造概用機器工人約二百名每一晝夜能出糖二千四

百布特每年利益約四五萬元其原料即糠蘿葡該廠在滿溝雙城堡及大缶小缶二層甸子等站附近購熟地約三千晌每年春開發當地農民種子爲其種植自民國十七年停止製造迄今尙未開工又站東里許有小機器油坊一家現已停業

機關 有東北陸軍步兵十八旅六十團第一營之第一連東省特別區警察駐在所阿城縣公安遊擊第一隊

學校 特區界內有東省特別區區立第四小學校華生四十九名俄生一名並附設民衆學校一處學生二十餘名經費均自特區教育廳撥給

自治團體 本站接近阿城縣商會農會實業局教育局均設於縣界

農況 本站附近農業頗爲發展據阿城縣農會調查全境土地已墾者十八萬一千一百九十晌待墾者一萬八千八百垧農民約二十餘萬人內韓籍約二二千人

### 二層甸子站

位置 本站地屬阿城縣在縣治東南四十五里有路警分駐所

交通 站南八里許有莫盤山村西五里許有湯家屯東南十二里許有蛤蟆河子屯大小牛家溝

風俗 本站人民早年勤樸誠信自交通便利漸有更革

山水 本站附近無名山站北十丈餘有頭號山二號山各一站西七八里許有石人山狀似老人俗以

### 石人山呼之

名勝 頭號山之陽有俄僑所建避暑房舍百餘間山景亦頗可觀站南有俄僑米其果夫避暑大樓人工浚圈河一道約百餘丈長三丈許寬水深五六尺每逢暑期遊人如雲泛舟河中有倏然塵外之致民國十九年十月不戒於火全樓焚燬頃尙未興復也

物產 本站附近姜家大櫃年出石灰一萬二千噸翟杜兩家大櫃年出石塊四萬五千噸

輸出品 全年輸出經由本站者石灰一萬二千噸石四萬五千噸稻米三百石泉水七百二十桶每桶三十斤

輸入品 全年輸入經由本站者麵粉四萬斤豆油五萬斤其他雜貨多寡不等

鑛區 站南三里許有姜義亭經營之窰洞四十五座工人二百餘名每年獲利約二十八九萬元並私資建築鐵路岔道由礦接連中東幹路又四里許有范百齡私資建築鐵路道岔通滴達咀子石礦工人一百餘名每年獲利萬餘元又四四里許有杜清山等合資建築鐵路道岔一道通石虎子嶺石廠工人二百餘人每年獲利五萬元左右

治安 本站有路警九人並陸軍第十八旅六十團一營二連站外有特區警察分別維持

鐵路設備 俱樂部花園球場浴所均甚完備又設中央分醫院一處

地方狀況 未築鐵路以前住戶甚稀自本路開通近來日臻繁盛已成爲小鎮市

機關 有東北陸軍步兵第十八旅六十團第一營之第二連特區警察分駐所木石稅分局統稅分局  
學校 本站市內有東省特別區第十八小學校學生二百人經費由特區教育廳撥發阿城縣立第  
十三小學校學生六十四名經費由阿城縣教育局開支

農況 本站附近多山已墾之地約二百餘晌農民一千四百零三人內韓僑約佔千人

#### 小嶺站

位置 本站地屬賓縣在縣治西南一百三十里有路警分駐所

交通 站東爲小分水嶺距站五里爲大分水嶺距站八里南爲大石河子村亦距站八里北爲七里半

村距站三里山道崎嶇交通不便僅有大車以馬騾駕駛運載木柁石塊並備農家使用

風俗 附近人民率由內地各省移來以務農者爲多風俗勤儉住民約計四百餘戶凡三千餘人

山水 站在山嶺之上故以小嶺子爲名

物產 本站附近物產木柁石灰木炭三項爲大宗全年統計約四萬五千噸

輸出品 全年輸出經由本站者石灰木柁木炭統計約四萬噸左右運銷於哈爾濱

輸入品 全年輸入經由本站者爲麵米布疋雜貨統計約一百五十噸

鑛區 本站西南二十里有鐵鑛鑛區民國十一年有俄人集資開採旋以資本不繼於十四年間停止  
現已無人看管地屬阿城縣境

**治安** 本站有路警五人並駐護路軍一排賓縣保衛隊一所協同保護附近多山胡匪仍不時出沒  
**鐵路設備** 本站鐵路設備有沐浴室一處專供路員之需

**地方狀況** 本站地屬山區故從前人烟絕少自東路開通內地各省來此墾荒者日見增加務農者仍  
牢守舊俗其智識開化之家亦有令子弟負笈求學及出外習商者金融流通以哈洋吉帖爲本位

**學校** 本站附近有私立學校一所學生二十人費由各學生家長分任

**農況** 本站附近農業現在稍見發達待墾之地已屬寥寥農民約計三千餘人

### 帽兒山站

**位置** 本站地屬雙城縣在縣治東北一百八十里路警分駐所

**交通** 西北距賓縣一百四十里東南距五常縣一百二十里冬令有馬車載運貨物糧豆夏間青紗幪  
起行人車馬因之絕跡每車載重約二千七八百斤車費無定則臨時商議通行時間每年十月至翌年  
之二三月止本站附近別無較大村落

**風俗** 本站附近居民風俗閉塞多信佛教近來交通便利移民日增智識亦漸開化又以物產豐富生  
活較易有嗜好煙賭者自市權經我國收回教育文化稍見進步現時戶口統計二萬人左右

**山水** 本站東南北三面環山站北四里之遙有高峯距平地約六里其形如帽故名帽兒山阿什河即  
發源於山下南有黃泥河水淺而流急均不能行舟

古蹟 本站之北五里有太利宮內有石碑一高約丈許清代遺跡也西北三十里賓縣轄境有松風觀  
內有石碑一高亦丈許隸書糝糊乃金承安四年所建廟右有透孔石山洞名太虛洞洞口有記爲清道  
光初年刻石

名勝 站北爲連脈小山草樹蒙茸山場中有俄人建築之避暑房屋夏季備避暑之需來者可以租賃  
物產 本站附近全年物產元豆約六千噸木柴約五千七百餘噸雜糧約二千噸木炭約一千五百噸  
石料約二百噸鷄卵約一百萬餘枚

輸出品 全年輸出經由本站者元豆約五千八百餘噸由海參崴出口分銷東西各國木柴約五千七  
百噸木炭約一千四百六十噸行銷哈爾濱長春等處石料約二百噸分銷本路及哈爾濱鷄卵九十餘  
萬枚分銷往來車中旅客及石頭河子海林等站

輸入品 全年輸入經由本站者麵粉約二萬小袋計重約六十萬斤布疋及其他雜貨約三百五十噸  
鹽約一百七十餘噸

鑛區 本站之西二里鐵路用地內有沙石場係俄人魯板敖夫所辦華人宋學禮承包工人三十餘名  
每年利益以銷路多寡爲標準但利息極微並由中東路修有岔道是以出產均經本路輸出

治安 本站有路警七人常駐有陸軍第十八旅六十二團第二營營部及步兵一連路線以外有特區  
警察第三署分駐所又有遊擊連雙城保衛第四分隊雙城縣公安第九分局市區冬日尙較安謐夏日

青紗幪起胡匪三五成羣出沒無定幸防範嚴密耳

旅舍 本站每屆夏令遊者較多道北傍山坳中有俄人建築之房舍定價出租每日宿費哈洋一元左右視房舍之等級而定包月久住者另議

地方狀況 本站自路線開通人民來者漸多小本營生日增繁盛諸般設備楚楚可觀金融流通民國十年以前以吉林永衡官帖爲準近則以哈票爲本位

市政 本站市內設有機器油房一所但已荒閉有年

機關 有東北陸軍第十八旅六十團第二營之營部及附屬之遊擊連特警第三署分駐所哈爾濱木石稅費分局拉林統稅帽兒山分局帽兒山鎮長途電話局帽兒山電話分局雙城縣公安第九分局雙城縣保衛第八分隊

學校 市界設有東省特別區第三區區立第十五小學校雙城縣立第八十六小學校中華基督教會所立民衆學校華生共二百八十餘人區立者校費由特區教育廳撥放縣立者校費由縣財務處發給教會所立者校費由教會自行籌募

自治團體 市界設有商會農務會各一處

農況 本站之地因氣候關係播種較晚收穫亦晚故糧質不佳已墾之地約八千餘畝未墾者僅荒山溝澗沙甸不毛之地而已農戶華人約一萬四千人韓籍者約二百五十人



### 小九站

**位置** 本站地屬珠河縣在縣治之西三十六里有路警分駐所

**交通** 本站除本路路線交通外因四面環山交通阻隔無車馬往來故旅行甚艱

**風俗** 自此以東至一面坡山深林密爲自古人迹不通之地自本路開通始有內省人民移來性情儉樸耐勞居民約計一千一百餘戶

**山水** 本站四面環山連綿不絕均無定名

**物產** 本站附近物產木炭爲大宗元豆次之量數不詳

**輸出品** 全年輸出經由本站者木炭約二萬四千噸運銷於哈爾濱江北等處元豆約一萬二千噸運銷於海參崴大連等處

**輸入品** 全年輸入經由本站者爲麵粉米糧及其他各項雜貨

**森林** 本站附近森林自經砍伐所餘不及全數十分之三

**治安** 本站範圍由路警負保護之責特區以外有珠河縣保衛第六隊珠河縣公安四區一分所地方尙稱安謐

**旅舍** 本站市內有天增福小店孟家小店各一每人每日宿費哈洋一二角不等

**機關** 站外有珠河縣保衛第六隊公安第四區一分所車捐局稅捐局

學校 本站道南設有珠河縣縣立第二小學校男女生計八十四人經費由縣教育局發給

自治團體 市內設有商會農會各一處

農況 本站附近環山可墾之地殊少務農者約三百餘人韓籍者約一百人

### 烏吉密站

位置 本站地屬珠河縣在縣治西十八里有路警分駐所

交通 本站羣山環繞道路崎嶇故交通阻隔往還不便

風俗 人民以直魯籍者居多現時約達一千八百餘戶風俗各守其舊

物產 本站附近物產以木柁元豆爲大宗

輸出品 全年輸出經由本站者木柁一萬五千二百噸運銷於哈爾濱江北滿溝等處元豆一萬七千噸運銷於海參崴大連等處

輸入品 全年輸入經由本站者麵粉糧食及其他雜貨

森林 本站較近之森林均已砍伐殆盡

治安 本站有路警五人護路軍一排站外珠河縣公安第四分局珠河縣遊擊隊協助維護尙稱安謐

旅舍 本站附近百餘步有小旅店三處一曰長興棧一曰東發合一曰長順棧規模甚小每人日需旅費哈洋二三角不等

機關 有東北陸軍第十八旅六十團第二營之第五連珠河縣公安第四分局珠河縣遊擊隊珠河縣稅捐分局吉林木石稅局分卡等處

學校 市界之內有珠河縣縣立第四小學校內分高級男生一班初級男生一班初級女生一班共學生一百八十五名經費由珠河縣教育局籌發

自治團體 市內有商會農會各一處

農況 站在山中可耕之地甚少現有農民六百餘戶內韓籍十餘戶專種水稻因山水下注便於灌溉也

### 烏吉密河站

位置 本站地屬珠河縣在縣治南二里有路警分駐所

交通 本站接近珠河縣城站南七十里爲朱家營西北五十里爲小亮珠河東北五十里爲元寶頂子等鎮均屬於珠河縣縣城之東一百里爲葦河縣南二百一十里爲五常縣西二百五十里爲阿城縣北九十里爲同賓縣葦阿兩縣交通運輸均不經過本站惟與同賓縣交通最爲繁要同賓北接方正依蘭等縣旅客貨物往來轉運本站爲其咽喉每屆冬令汽車絡繹每人旅費由站赴同賓縣往返哈洋六元四角赴方正縣二百三十里往返哈洋十六元四角赴依蘭四百六十里往返哈洋二十九元四角馬車四時通行載運貨物每重百斤需費一元二角夏間汽車停駛同賓縣境行人載貨均用馬車按道路之

優劣定價值之低昂每人或貨百斤往返需費一元至三元不等其方依等縣均由松花江運輸五常縣交通與方正縣同站之附近雖有河流均窄而淺不通舟楫

風俗 居民風俗樸實均以務農爲業土著之人有三百二十戶民國十一年四月創辦設治局十六年設治期滿始改爲縣並由關內移民一千六百戶於此綜計已達一千九百二十戶人口約一萬二千三百數十此外尙有俄籍二十九戶約一百十餘人

山水 本站西北四十里有山名春秋嶺烏吉密河即發源於此嶺上有大小土阜二狀似人伏案讀書故因此得名謂關忠義讀春秋也東四十里有大鷹山高約八九百丈爲珠河全境各峯之冠較大之河流有三曰螞蜒河在站北約五里寬十餘丈深六七尺不等發源於同賓縣螞蜒窩集經葦河珠河同賓方正四縣入松花江曰西亮珠河在站東北十五里寬約七八丈深三五尺不等發源於同賓縣西北太平嶺南麓其發源處有瀑布奔流百餘里南流經珠河縣北境入螞蜒河曰大泥河在站之西五十里寬十丈許深五六尺發源於珠河縣境長豹崗約馬川西經五常雙城榆樹扶餘等縣入松花江其餘河岔皆三河之支流站南距鐵道里許尙有一小河即烏吉密河也寬約二三丈不等水深約三四尺河面曲折由西而東至本站之東一里餘北流經本站東鐵橋繞珠河縣城東北方四五里而入螞蜒河河流潺急水量深淺不一均無舟楫通行

物產 本站附近物產全年計元豆約二十八萬五千九百三十噸稻米約七千噸黃煙葉約四千六百

八十餘噸木炭約二千八百十餘噸木耳約一千一百五十噸蘑菇約一千零四十噸

輸出品 全年輸出經由本站者元豆約二十七萬八千噸行銷於歐美諸國稻米約四千零二十噸黃烟葉約三千二百五十噸木耳約一千一百五十噸蘑菇約一千噸均運銷哈爾濱長春遼寧及南中各省輸入品 全年輸入經由本站者麵粉約二十六萬一百餘噸豆油約四百五六十噸鹽約九千八百五六十噸菓品約一百三四十噸海貨約四十噸以及其他雜貨分銷於珠河及隣近各縣

鑛區 本站之南十二里有煤窰崗一處向係俄商開採以未領礦照中止民國十七年有紳商曾子固君派礦師探煤質尙佳已得地主之同意擬作大規模之開採常委劉鳳桐君爲該礦事務經理並招募股份在特區界內設駐珠煤礦事務所旋因股東不齊資本缺乏迄今尙未開採惟仍在極力籌劃以期開辦如能成功輸出必經本路亦一利源也

治安 本站有路警十五人常駐護路軍二連營部設珠河縣城中每屆票車到站除駐站護路軍到站維護外更有特警及珠河商團接護旅客時屆冬令則縣公安局招臨時保安警察隊於票車到站前分班派警在城站昆連道路布崗保護以防不虞故尙稱安謐

旅舍 市內較清潔可住之旅館爲德泰興及隆大棧二處每日需費一元二元不等兼代商旅輸運一切貨物

鐵路設備 有球場浴場各一處

地方狀況 本站地本荒蕪爲民人劉國臣所有自本路設站於此劉國臣開小客店一所時稱爲劉國臣小站嗣因交通日趨便利民國紀元以後移民日多設治改縣文化農商工各業亦漸次發展焉

市政 東耀電燈廠一處華商創辦經理李全聲員工三十名汽車公司凡三日隆大日隆泰日隆茂各有大汽車五輛均於冬令道凍後行駛營業

機關 有吉林珠河縣政府珠河縣公安局教育局財務處木石稅分局印花稅分局郵務分局電話局電報局稅捐局護路軍第四十一團第一營營部特區有護路軍第四十一團第一營之第一連第二連東省特別區警署分駐所珠河縣警察馬隊

學校 本站附近城市有縣立初等第一男女學校各一男校生二百七十九名經費年需七千一百九十九元女校生二百零七名經費年需三千一百九十二元均由縣教育局籌放東省特別區初級十七校男女生二百六十名經費年需一萬五千六百三十元由特區教育廳發給私立成德學校學生五十名經費年需一千元係東北邊防司令長官公署副官成逸風創立故此項經費由成君擔任

自治團體 城內有農會商會農事試驗場各一處

農況 縣區共地一萬二千二百餘方已墾者六萬餘垧專種一切雜糧韓人墾荒者則種水稻

發展實業 民國十八年吉林省政府擬修吉同鐵路曾派測量隊在站西里許測量妥協由南而北經過本站以達同江並插有路標但迄今尙未開工

## 一面坡站

位置 本站地屬珠河縣在縣治東南四十里路警第四段總署駐此

交通 東距葦河縣七十里南距五常縣之太平山鎮六十里西距珠河縣城四十里北距同賓縣九十里由本站至太平山鎮有長途汽車每人旅費約洋五元左右每車載重以十六人爲限但僅冬季通行其他各縣均由鐵路往來別無便利捷徑

風俗 一面坡一帶人民來此蓋始乾嘉以後民風崇尚樸實自本路開通人煙漸盛近年一面坡鎮華洋雜居日趨繁華但大多數仍不失古樸之風學校林立文化猛進從前以植鴉片爲業者均已絕跡人口土著暨外來者併計約一萬一千二百數十人其生活依鐵路作工者半經商務農者亦半

山水 本站四面皆山鄉村房屋依山建築各山均無定名站北有水名螞蜒河發源於同賓縣之螞蜒窩集寬約八丈深僅三尺許岸狹水淺無從行舟僅於夏秋間河水發漲時以木料造成木排由葦河縣流至本站即或偶有一二船隻亦不過以人力藉兩岸釘繫之鐵鑿用以牽拉渡客往來而已

古蹟 本站昔爲窩集之區故少古蹟可尋惟距站北約十里之鞞竿台地方有寺廟一據當地鄉老言此廟在清光緒二十年前爲當時土匪所建名曰娘娘廟藉爲嘯聚藏身之所自中東路開通人烟日多土匪無形漫散市井遂臻平靜每至廟會之期男女前赴祈福者大有雲集之勢

名勝 站北一里處有中東路公園沿螞蜒河天然之地勢自然之曲折而建內有亭臺橋梁等等設備

每至夏秋間憑闌四望遊目騁懷清流激湍崇山峻嶺風景絕佳河流澄碧味甘美中外人士每屆暑令率多來此避暑或沐浴於河中或納涼於林內自十七年河水漫溢致將浮橋冲毀正擬修築而中俄釁起迄今尙未顧及殊可惜也

物產 本站附近物產以元豆爲大宗年收約六萬五千五百三十噸木料次之年約三千噸

輸出品 全年輸出經由本站者元豆約四萬九千一百八十一噸麵粉約一千三百一十噸啤酒約一千二百箱每箱計五十瓶運銷於哈爾濱長春等處

輸入品 全年輸入經由本站者約羊草一千二百噸粳米一百三十噸火酒四百箱餘爲日用雜品

森林 本站附近殊少森林以砍伐已盡故也西北六十里大高里地方有格瓦斯林場一處面積方圓各約三十里爲波蘭人格瓦里斯科牙所創辦統歸其自己經營本路支線直通此處現已開伐至十分之五每年運出一千二百古磅設備尙不甚完全在林場工作者約三十餘人每年獲利甚少民國十八年七月以前有山林警備隊派兵保護自中俄事變後該隊兵撤退幸尙無土匪滋擾情事

治安 本站尙稱安謐惟夏日青紗帳起則匪警時聞一屆冬令遍地冰雪匪徒藏匿無地並有護路軍於各要隘處派隊防守是以尙無敢公然爲患者至市內治安則有特警及珠河縣第二區公安分局珠河保衛團地方保衛團商團共同保護更有軍警稽查處東北陸軍第二十六旅四十一團之第一二兩營及迫擊砲連機關槍連分任偵防一遇匪警不分畛域合力剿防故地方殊稱安靜焉



旅舍 本站市內以三民旅館北京飯店較爲著名其他較次者有巨豐協豐永泰鴻發東來人和吉順羣英及日本旅社等九家每人每日需費均約一元左右

鐵路設備 本站有公園及俱樂部圖書館醫院球場公共沐浴場電影院等組織佈置均屬可觀  
地方狀況 本站爲東路第一大站自哈爾濱外無與倫比自本路開通一望而知爲繁盛之區市面流通以哈洋爲標準吉洋官帖亦可折合使用

市政 本市設有昌隆電燈公司係華商郭子明集資創辦資本總額八萬元馬力一百五十四匹可裝電燈三千盞每年約得利四千元左右此外東路電燈廠一處專供鐵路辦公室及路員之用尙有華人楊連三集資創辦之中東啤酒工廠機械二十四匹馬力營業非常進步原料則購自哈爾濱同賓等處

機關 有東省特別區一面坡警察署東省特別區市政分局東省特別區一面坡屠宰檢查所吉林一面坡交涉分局東省特別區第二地畝分局東省特別區收捐所東省特別區木石稅分局均設在市內  
中央大街吉林稅捐徵收局東北陸軍步兵第二十六旅第四十一團團部及二三兩營均在特區界內  
珠河縣第三區公安局在珠河縣界內平安街

學校 特區界內設有區立第六中學校初級中學四級學生九十七名特區第二學區區立第十小學校高小兩級初小四級學生二百六十五名第六小學校高小兩級初小六級學生四百二十名經費均由特區教育廳撥發又東省特別區蘇聯路員子弟第十一中學校男生二百五十六名女生二百二十

七名經費均由中東鐵路局撥發又俄僑私立中學校俄生五十五名華生二名又朝鮮會立英進小學校學生四十名經費由會撥發其在珠河縣界內則有縣立第二小學校學生一百五十六名第二女子小學校學生一百二十四名經費均由珠河縣教育局撥發

自治團體 特區界內設有商務會一處內部組織設主席一常務委員四執行委員十監察委員七坐辦一會計庶務各一又慈善會一處由忠善堂募捐創辦專辦慈善事業又日本在留民會一其內部組織設會長副會長理事各一人評議七人又珠河縣管界內有市農會一處內部組織設會長副會長各一人評議八人文牘會計庶務各一人

農況 附近山地均已開墾約計一千零八十垧農民華人四百八十戶俄人十四戶日人二戶

### 魯克士窩站

位置 本站地屬葦河縣在縣治之北五十里有路警分駐所

風俗 本站民風樸實多數務農少數經商自交通便利人民智識稍見開化距站相近住戶現有者約一千五百餘人

物產 本站附近物產年計元豆約十五萬甫特木柁約一百餘火車

輸出品 全年輸出經由本站者元豆約十四萬甫特木柁約九十餘火車每車容量計十五噸運銷於哈爾濱長春等處

輸入品 全年輸入經由本站者麵粉三千甫特雜貨約二千甫特

治安 本站有路警四人常駐護路軍一排站外市內有吉林山林遊擊隊葦河縣公安第四分局及地方保衛團共同維護尙稱平靜惟青紗帳時則匪警時聞每屆冬令遍地冰雪胡匪藏匿無地即均遠颺地方狀況 自本站以東至牡丹江西岸自昔皆森林區域自本路開通方有人民移來然商號寥寥未臻繁盛也

機關 有東北陸軍步兵二十六旅四十一團三營十連之一排吉林山林遊擊隊一營三連葦河縣公安第四分局葦河縣財務分處地方保衛團

學校 市界有東省特別區區立小學校一處學生八十餘名經費由特區教育廳撥發

農況 本站附近農業頗見發展已開荒地約一千五百餘垧未開者近處殊少農戶華人約四百餘戶韓人約三十餘戶

### 葦河站

位置 本站地屬葦河縣在縣治南二里許有路警分駐所

交通 本站除本路路線交通外毗近葦河縣縣政府此外並無其他繁盛之地可以聯絡

物產 本站附近物產全年統計大木約一萬六千五百噸木柁約六千六百餘噸黃豆三萬二千六百石輸出品 全年輸出經由本站者大木約一萬六千五百噸分銷於國境及日本木柁約六千六百噸運

銷於哈爾濱黃豆約二萬一千六百石咸銷於歐西諸國

輸入品 全年輸入經由本站者麵粉約一萬五千餘甫特其他雜貨約五千餘甫特

森林 本站西南二里南溝（亦名大興川溝）地方俄人協結司自築支路直達溝裏約九十華里爲採伐森林運輸之用車輛租自中東路局近年以來採伐殆盡民國十六年曾停伐一年去歲僅伐出方木二百餘火車皆我華人自斫僅借其路運出照付車價工人三五十人爲一組不等溝裏僅有修路工頭一人並無駐軍爲匪人之淵藪近因受斫木者之接濟是以粗安惟官方禁止是項接濟甚嚴此外更有華人自行斫伐者冬季雪後用橇牽拉運到站每年共計約有八九百火車逐年以來漸見遞減矣

治安 本站由路警護路軍保護市街之內有葦河縣公安局之武裝隊及保衛隊維護冬日較爲安靜夏日青紗帳起雖有軍警鎮攝綁票勒贖之事仍時有所聞

地方狀況 本站自森林開伐以戶口漸增民國十一年設立自治局十六年始改爲縣今有民戶二千三百餘男女七千餘人

市政 市內設有福泰電燈公司一處因用戶太少不敷成本時有停辦之虞

機關 有葦河縣政府公安局保衛隊教育局財務處印花稅處陸軍第七十六團團部均在縣界特區警察所葦河郵務分局葦河木稅局護路軍第七十六團之第三連均在特區地界

學校 特區界內設有葦河縣立初級小學校學生八十餘名葦河初級女學校女生四十名經費均由

葦河教育籌發又特區初級小學校男生八十餘名女生二十餘名經費由特區教育廳撥放

自治團體 縣城有商務會農務會各一處

農況 葦河縣全境地畝面積三十五萬垧已墾者約三萬四千垧實徵地租者不過一萬垧農戶約二千一百戶均華人

牙不力站

位置 本站地屬葦河縣在縣治東四十二里有路警分駐所

交通 東北二里有葛瓦斯火鋸公司築鐵路與本站道線相接長約一百五十里由本站行六十五里爲後堵鎮過此鎮至東北溝裏太平溝村均著名市集現葦河縣擬修由本站至後堵鎮之長途汽車道尙未興工

風俗 本站民風樸實移民以山東登萊籍人較多約二千七八百人其中携眷者約三分之一

山水 本站山多而無定名螞蜒河由東來寬二丈深五尺多淺灘不能行舟下流可通松花江

物產 本站附近物產以柴木爲大宗大豆小麥玉米等次之

輸出品 全年輸出經由本站者木柁約六百三十火車道木約三百二十火車每車容載十五噸大豆約二百六十火車每車容量二十二噸玉米約七八十火車小麥約三百二十甫每車容量二十五噸大都分銷於哈綏及長春等處

輸入品 全年輸入經由本站者羊草八十六火車火酒約六百二十箱麵粉約四千六百甫糧米約一萬二千三百甫特其他各種雜貨約六千二百五十甫特

森林 本站東北有俄商葛瓦斯林場公司面積三十里自築鐵路約一百四五十里以運木料現委俄人才惹司打拉夫暨華人譚德間等代爲經理已開採十分之八全年產量大木五萬餘根木柁二千古榜工人約七八百名設總賬房一處

治安 本站有路警護路軍特區亦有警察夏日青紗帳起護路軍於各要隘處派兵設卡盤查故胡匪雖出沒無常本站附近尙稱平靖

鐵路設備 本站未臻繁華鐵路設有職工浴場一處亦不過粗具規模而已

市政 市界俄商葛瓦斯設林業火鋸公司及附設之電燈廠謀市內商戶之便利在牙站大街設桿按燈放光取費甚廉商民稱便

機關 有護路軍第七十六團一營四連之一二排駐車站特區第三區警察派出所駐中央街葦河縣公安局第三分局第一分駐所在華街葦河縣郵務局木石稅分局葦河縣財務分處徵收分卡均在特區界二道街

學校 有東省特別區區立第七高小學校華生一百五十三名經費由特區教育廳撥發葦河縣縣立第五小學校華生一百三十五名經費由葦河教育局發給

自治團體 有商會一處內設會長副會長坐辦各一人木商會一處設會長坐辦各一人  
農況 本站四圍多山沿路線尙可耕種稍高之荒地已開墾者約四千垧未經開墾而尙宜農業者頗  
多因胡匪出入無耕種者

### 石頭河子站

位置 本站地屬葦河縣在縣治東六十里有路警分駐所

交通 西南三十里爲寶山鎮冬季有長途汽車可達每車能容十八人每人需費約一元有餘

風俗 內省人民來此者最近調查約萬餘人每屆秋後鐵路林場作木工時尙有由他處來者以山東  
籍爲多翌年工竣仍返原地漫散而居另謀生活

山水 本站附近多山而東方之老爺嶺爲較高水以石頭河子爲較著河流淺狹不通舟楫

物產 本站附近物產年計木材五萬餘噸豆類約一萬餘噸高麗菓馬鈴薯共百餘噸

輸出品 全年輸出經由本站者木料五萬餘噸行銷於各大商埠豆類一萬餘噸行銷海參威出口高  
麗菓馬鈴薯一百噸左右行銷沿線各站及哈爾濱

輸入品 全年輸入經由本站者麵粉約萬噸米糧約五千噸雜貨等物亦約五千餘噸

森林 附近森林砍伐已盡五十里外均爲林區經吉林省政府與中東鐵路局訂有特約普通分國有  
林場及路有林場二種國有林場僅少數工人隨意砍伐所採木料均由本站輸出僅能維持少數工人

生活並無大利路有林場歸東路林場地畝處出資採伐設備完善工作期間約用工人萬餘人雖有常駐軍警保護但山深林密匪徒出入仍所不免耳

治安 本站有軍警保護冬日尙安夏則匪警頻聞雖有常駐軍警但山深林密此剿彼竄未能淨絕也  
鐵路設備 有醫院公園球場浴所不過粗具規模而已

地方狀況 與附近各站略同居民數目未詳

市政 特區界內有商辦電燈廠一處經理張開斗電話公司一處主任張廉善內容設施均頗完備又長途電話局一處局長張珠溪又東路火鋸廠明子窰內容亦甚完備工作均用機器

機關 有東北陸軍第十八旅七十六團第四連及連部七十六團二營本營部東省特別區警察第三分署石頭河子分駐所葦河縣公安二分局自治第二區公所東省鐵路護路軍總司令部駐石票照事務所葦河縣地方財務處一面坡稅捐徵收分局特區本石稅局分卡木石稅駐場辦公處

學校 市界學校凡三一特區第三學區第十九小學校學生約百名經費教育廳撥放二葦河縣縣立第二小學校學生約一百人經費由縣教育局籌發三舊俄私立小學校俄生約六十名經費由本站白俄僑民公攤及捐募

農况 本站附近荒地已墾者約四千餘垧農戶華人約二千人韓人約百餘名



**位置** 本站地屬寧安縣在縣治西北二百餘里有路警分駐所

**交通** 站在山中地勢特高故名高嶺子交通梗阻無其他交通可以聯絡

**山水** 本站附近皆山而南面山峯較高俗名老爺嶺山下僅有小河溝一道

**輸入品** 全年輸入經由本站者僅路員日用所需雜物爲數寥寥

**森林** 本站附近森林尙無集資砍伐者爲胡匪隱匿出沒之所

**治安** 站界外無居民商戶僅有本站少數之路員由軍警協同保護故不致受意外之驚擾

**機關** 有東北陸軍第十八旅六十六團第一營之第四連

### 橫道河子

**位置** 本站地屬寧安縣在縣治約一百八十里路警第四段橫道河子分署駐此

**交通** 東南三里有市街歸寧安縣公安局第八區管轄由此赴寧安有山路四時通行惟無常川車輛

此外附近並無其他交通聯絡

**風俗** 本站山深地僻自路線開通以此爲工程重要之地員工駐於此者既多內地人民陸繼移來其

大多數爲工人而商民次之携眷者約佔三分之一大都籍隸冀魯風俗樸實人口計三千餘

**山水** 本站附近多山率無定名有河一道由西北橫貫東南即橫道河也寬不過三丈深不過五尺水

淺而清上流通牡丹江不能行舟

**古蹟** 本站東南三里有三官廟建於清宣統元年規模甚小

**物產** 本站附近皆山地不適耕種僅產木料黃蘗其製造品則有啤酒水酒等

**輸出品** 全年輸出經由本路者木料約六百二十火車道木約二百八十火車啤酒七百三十箱水酒二萬四千五百桶黃蘗一千五百餘噸均運銷於哈爾濱長春等處

**輸入品** 全年輸入經由本站者羊草約七十三火車火酒約四百三十箱麵粉五萬二千五百甫特粳米三萬六千三百甫特各項雜貨七千四百五十甫特

**森林** 本站之東爲俄商葛瓦斯林場四面各二十里由葛瓦斯自築鐵路兩條一長八里一長二十六里專爲裝運木料現經俄人郭惹夫尼關夫與華人張發曹明經理已開伐十分之六每年產大木四萬根木枰四萬古磅設賬房一處附有醫院工人約八百餘名木料由本路輸出頗有贏利有駐橫站護路軍六十二團第二營第八連分駐保護又該場自雇看護林場團勇約三十餘名尙稱安靜此外本站西北有鐵路局林場一段尙未開採

**治安** 本站有路警護路軍特區有警察署每屆青紗帳起護路軍於各要隘處派兵設卡特警與軍警稽查處擔任偵查各防吃緊時則不分畛域守望相助故地方謐安

**旅舍** 本站附近有小店一家殊不整潔

**鐵路設備** 有圖書館醫院公園球場浴場戲園電燈廠各一處又公共宿舍二處但非在路充差人員

概不接待費用亦較昂

地方狀況 本站商業僅賴工人故未能日臻茂盛

市政 本站附近設有電燈廠二處一爲鐵路局所辦專供鐵路各機關及住鐵路官房各職員燃用一爲特區境夾信子街福源盛經辦專供商民燃用

機關 有護路軍六十六團團部在中央街特區法院檢查處在軍官街特區市政分局在機務街特區

第三區橫道河子警察分署在靠河街郵務局木石稅分局自治會徵收局均在夾信子街

學校 市內有特區第三區區立第二小學校第八小學校東省鐵路第一俄學校第二俄學校經費均由特區教育廳撥放俄人私立中學校經費出自學生

自治團體 市界有商務會設會長副會長各一人因商業未臻繁盛故內部組織甚爲簡單又自治會一處設會長文牘各一人專司市政修理街道清潔衛生等事經費由商民捐認

農況 本站四圍多山地多沙石不適耕種尙未聞有領荒者

## 山市

位置 本站地屬寧安縣在縣治西北七十里有路警分駐所自此以東至綏芬河中俄交界處皆路警第五段管轄區域也

交通 距站附近大街爲寧安縣及附近各村落物資集散之所站南十八里爲密江大屯東十里爲上

石屯西南三十里爲鄉爺坊子屯春夏秋三季交通不便冬季以馬車運送糧石每車容載約一噸需費約六七元上下

風俗 本站民風向尙樸素從前僅有土著二十餘人近年由他省遷來者約達七百餘人

山水 本站三面環山均無定名站之南二里許有上石河寬約七丈深約五尺水流湍急不能行舟

物產 附近物產全年統計大豆約三百噸稻米約四十噸豆餅約八十噸大木四千六百餘根約合四千八百噸豆油五六十噸

輸出品 全年輸出經由本站者元豆約二百四十噸經海參崴外運豆餅八十噸大木四千六百根運長春等處分銷

輸入品 全年輸入經由本站者約麵粉四十噸紙煙二十大箱其他雜貨統計約二百三十七噸上下  
森林 本站西南三十里有楊樹頂子森林華人趙子玉與日人大喜俄人喜林克集資合辦在本站設中東製材分公司職員七人冬季有工人百餘名已開伐者不及全數十分之四每年產量成材者約四千六百根可供十年以外之採伐經由本站運往長春分銷並無常駐軍警保護亦無胡匪滋擾此外長嶺子附近四五里亦有森林每年開伐約一千古磅供中東本路之用

治安 本站有路警護路軍特警分駐故尙稱平靜

旅舍 旅店較著者爲天東棧三盛樓雙發棧每日每人宿費一角五分膳食在外

鐵路設備 有小花園沐浴場各一處專備路員遊憩沐浴之需

市政 市內僅有華人所辦製油廠一所原料出自當地每日出油約九十斤規模極小並無市政可言  
機關 有東北陸軍第十八旅六十六團二營七連住車站特區警察派出所駐站北

學校 市界設有私立小學校學生十四名又韓人私立小學校學生二十五名均係自費

自治團體 有商務會及韓人農會各一處

農況 已墾之地約百餘垧未墾之地約七百垧華人二百餘名韓人約六十名

### 海林站

位置 本站地屬寧安縣在縣治東北六十里有路警分駐所

交通 東距河夾心拉古屯十餘里西距江頭敖頭各十餘里南距河南約三里北距前後姚屯約二三里不等與寧安交通則有大汽車馬車往返汽車旅費每人兩元裝貨至二噸需費約三四十元馬車旅費每人約一元載貨二千斤需費約八九元四時均可通行

風俗 本站地方自來土著之人不過二三百人連近年他省遷來者統計約二千餘人風俗尙爲樸素  
山水 本站四面平曠南行二三里有海蘭河寬約十餘丈深約四五尺有木筏渡客往來本年春間經  
汽車公司修木橋一座車馬藉以通行商民稱便

物產 本地附近物產全年統計約小麥二十萬零八百五十噸黃豆一千九百六十噸稻米九百六十

噸豆粉三十噸豆餅六百六十噸麵米一千三百噸木方二百十六噸木耳六十六噸

輸出品 全年輸出經由本站者以黃豆爲大宗約一千二百噸均運往海參崴出口其餘各物輸出數目不等均分銷各地

輸入品 全年輸入經由本站者以雜貨爲大宗約九百九十三噸布疋約三百四十噸紙烟二千六百五十四大箱

森林 距本站二十里有北溝森林距百里有大海林森林交通尙便係中日合辦開伐已八分之三每年產量約二千一百噸各項副業辦事員中日俄三國人皆有之凡社員約八十名工人約二百名此項木材均經本路運出每年利益甚薄故近有商訂縮小之辦法有護林隊六十名係公司出資雇募尙無胡匪滋擾此外有張廣才嶺之森林未經開伐

治安 本站範圍由路警及護路軍保護站界以外寧安縣保衛團公安局擔任維持

旅舍 市界旅館寥寥以秦家館爲較著每人日需宿費二角

鐵路設備 站東有花園一處面積甚小

市政 特區界內市政尙未興辦原設有電燈廠一處自十七年被災迄未重修又火礮火磨各一處十八年荒閉迄無恢復之訊

機關 有東北陸軍步兵第二十一旅十八團一營四連駐站臺之北市政辦事處在北三道街木石稅

捐局在北二道街特區警察分駐所在站西北頭道街

學校 站外有區立第五小學校學生八十九名第五女子小學校男女生一百零八名經費均由特區教育廳撥發韓人私立學校男女生約四十人經費自籌

自治團體 有商務會農務會韓民居留民會各一

農況 附近人民多務農爲生華人約一千七百餘人韓人約六百四十餘人

### 牡丹江站

位置 本站地屬寧安縣在縣治東北六十里有路警分駐所

交通 本站西南八里爲乜河鎮馬車常年通行由寧安縣至站每人車資約哈洋一元往返倍之冬季封江時有長途汽車往來縣站每客車資約哈洋二元

風俗 鐵路未通以前僅有居民八戶今已達二百九十餘戶商舖一百九十餘家民情頗見開化智識亦日趨增進

山水 站東二十里有山無名爲俄人避暑之地山下爲牡丹江西南通寧安縣北六七百里通依蘭縣有風船往來裝運煤貨糧石等項江口距本站約二里許

物產 附近物產全年統計元豆約六七萬石不等大方木約三百餘根

輸出品 全年輸出經由本站者元豆約六七萬石行銷海參崴出口大木方約三萬根運至長春分銷

輸入品 全年輸入經由本站者以煤貨爲大宗噸量未詳

治安 本站有路警及護路軍一排保護特區界內有特警及商團維持設備頗密賴以謐安

旅舍 本站旅店以中東飯店爲較著膳宿費多寡不等

鐵路設備 有公園浴場各一備本路員工休沐之用

地方狀況 本站原名黃花甸子黃花者萱花也地產萱草爲土貨出產之一此花中東路皆有之市區以外人煙寥落然在東路各小站中已爲繁盛矣

機關 有護路軍第二十一旅十八團第四連之第三排特別區警察商團稅捐分局木石稅分卡市政分局均設於本站特區界內

學校 有特區區立第二十小學校華生九十五名經費由特區教育廳撥發

自治團體 特區界內有商會一內正副會長坐辦各一人團丁二十名經費由各商戶按等攤認

農況 鐵道之旁荒地早經開熟墾戶均屬華人戶數不詳距站五六里有稻田約三十餘垧係韓人耕種約六七戶

發展實業 民國十八年正月間復興成商號經理王相平擬集資建設電燈廠旋以時局不靖中止

### 巴河站

位置 本站地屬寧安縣在縣治東北七十里有路警分駐所



交通 東南十五里爲乜河鎮寧安北鄉大鎮也牡丹江流經其地車馬四時通行交通極便鎮北四十里爲五虎林

風俗 本站人民數年前多種粟自官方厲禁均已改種農田土著無多來自內省者約千四百人山水 附近有崇山峻崖均無定名鐵路經牡丹江跨江爲梁江寬約九十丈深約一丈五六尺平時有風船通行水漲時下游至三江口上游達寧安縣

名勝 牡丹江畔山坡之陽路局建有避暑之所風景絕佳

物產 本站全年物產大豆約一千四百噸稻米約二百噸

輸出品 全年輸出經由本站者大豆一千四百噸左右

輸入品 全年輸入經由本站者僅少數雜貨等項

鑛區 本站之北四十里虎林地方有金鑛一處又東方十里乜河南溝有煤油礦一處曾經俄人計毛非先後試探現未開采

治安 本站由護路軍保護特區界內由特警維持又農會有青苗夫於農時巡行日間地方賴以粗安鐵路設備 有電燈廠江畔山坡之陽有避暑場一所專備本路職工療病之需養兒院一處爲哈爾濱俄孤兒夏季避暑而設營房數百間爲俄人昔日屯兵之所今護路軍駐此

地方狀況 本站原名黃花甸子居民不過五六家均以耕種爲生自本路開通始漸發展民國八九年

間尤見繁盛推其原因由於烟賭弛禁迨十三年嚴禁烟賭市面狀況因之日落然山明水秀實爲佳境療養肺病住此尤宜

機關 有護路軍第二十一旅十八團第二營五連第一排駐本站吉林步兵第二十六旅第七十七團暨旅部騎兵連駐避暑小站東省特別區第三區警察分駐所護路軍總司令部軍用電報局駐本站附近學校 特區界內有第三學區區立第七小學校學生一百二十六各經費由特區教育廳撥發又韓僑私立墾民學校人數未詳經費由該僑等自籌

自治團體 有商會農會各一處

農況 本站附近年來移民日增荒原日闢華戶約七百人韓僑約六七十人俄人約二十人均以舊式人工耕種俄人名即離斯者有火犁一具出租開墾每垧需費哈洋八元

### 磨刀石站

位置 本站地屬寧安縣在縣治東北一百里有路警分駐所

交通 站在山半北有小村名磨刀石與站毗近東有小站距站二里此外無其他聯絡

風俗 風俗簡陋移民開荒者直魯籍爲多現有二百四十七戶韓人約四十八戶

山水 附近僅有無名土山及小河一道在站之南相距不及二里寬約丈餘深一尺至三尺不等發源於招馬溝流入牡丹江

物產 本站附近物產全年統計大木約三千一百噸元豆一千六百噸其餘雜品統計約一千九百噸  
輸出品 全年輸出經由本站者大木方三千一百噸元豆一千六百噸分運哈爾濱綏芬等處行銷  
輸入品 全年輸入經由本站者麵粉約三十餘噸其他雜貨不等

森林 本站附近森林三處一爲保保夫林場在站之西南三十里爲中東本路所領現與俄人徐苗集  
資創辦歸俄人保國夫經營面積十五方里開伐程度已達十分之七全年產量大木方一百三十火車  
總帳房設於哈爾濱南崗阿什河街分帳房設於穆稜二爲東安公司林場在站之北二十五里現爲哈  
爾濱資本家集資創辦歸哈爾濱東三省銀行經營面積東西長各約十六里南北長各約二十六里開  
伐程度將達十分之四全年產量約四五十火車設公司於海林三爲裕寧公司林場在站之東張宗昌  
暨其屬部集資創辦現歸張貴田經營面積四十方里開伐程度將達十分之三全年產量約四五十火  
車設總公司於五站各林場每年均無大盈利工人多寡視工作而定此項木料均由本站輸出各林場  
雖無常駐軍警保護尙無胡匪滋擾

鑛區 本站附近並無鑛區祇產磨刀石一項現歸哈爾濱鑫大鐵廠經理潘學周開採有工頭一名工  
人十餘名設備極簡采石之處在站南二里許

治安 本站有路警及護路軍一連保護特區界內有特警暨地方商團維持冬夏治安尙屬安謐  
旅舍 本站無較好旅舍僅有小飯店二家一名蘭香春一名河南館亦可住宿每人日需店資哈洋兩

角飯資則按價另計

鐵路備設 祇有足球場一處專備路員公餘運動之用

地方狀況 站在万山之中崎嶇險阻從前人跡鮮至今自內省遷來者數亦無多

機關 有護路軍第二十一旅十八團二營五連駐站北鐵路營房特別區第三區警察分所駐本站票房地窖商團駐村內

學校 特區市界內設有東省特別區區立第三小學校學生八十三名經費由特區教育廳撥給

自治團體 市區有商會農會各一處

農況 本站附近荒地已墾者約三千二百十二垧待墾者約一百五十垧華人約七百五十人韓人約五十餘人

### 拾馬溝站

位置 本站地屬穆稜縣在縣南六十餘里有路警分駐所

交通 東距穆稜縣六十餘里因山嶺重疊無車馬往來春冬兩季谷中積雪間有撬犁來往然僅能載人無載貨者

風俗 本站住戶舊祇三四家自本路貫通經過始漸有魯籍貧民移來目前人丁男女約三百餘口風俗儉樸大平均以務農爲生間有在山林工作者

物產 本站附近物產全年統計木柁三千餘噸大方木約五百餘噸大柴木約四百餘噸  
輸出品 全年輸出經由本站者大方木五百餘噸銷於長春火柴木四百餘噸銷於海參崴  
輸入品 全年輸入經由本站者以雜貨爲大宗噸數未詳

治安 本站由路警及護路軍保護

地方狀況 本站地勢高峻爲張廣才嶺山脈之骨幹雖當盛暑氣候亦涼僅有山道通行人煙極稀商業不過小店數家無興盛之望也

機關 有護路軍第二十一旅十八團二營之第八連

農況 地氣高寒農業不甚發展所產元豆小麥均較他地稍劣農民約五百餘人

#### 穆稜站

位置 本站地屬穆稜縣在縣政府之西南一百四十里路警第五段穆稜分署駐此

交通 東距興源鎮(即舊縣址)十八里該鎮接近穆稜小站商民往來均由小站經過故別無交通之道  
道西西北三面附近並無城市村鎮

穆稜爲東路著名之地智識文化均有可觀居民自魯省移來者約佔全數之半

山水 本站以穆稜河得名穆稜河又名芒牛河寬約四丈深約丈餘發源於老松嶺經穆稜小站下城子鎮等鎮西北流與馬橋河會北行至梨樹鎮折向東經密山北境入於烏蘇里江水淺流急船隻不能

暢行

名勝 站東穆稜河有鐵路花園背石壁之下古樹盤錯危崖屹立風景絕佳

物產 本站附近物產全年統計木方約五萬五千棵元豆約六千三百石左右

輸出品 全年輸出經由本站者木方約三萬棵行銷遼寧營口等處元豆五千石行銷綏芬河出口

輸入品 全年輸入經由本站者約麵粉五千甫豆餅一萬一千個雜貨九千甫煤油一千箱紙煙一百五十大箱

森林 本站東南九十里之楊木橋一百一十里之高家八十里之西北岔及泉眼河皆爲林區現歸俄商保博夫及葛瓦斯兩賬房採伐每年產量約五萬餘棵民國十八年曾停伐一年此項木方約由本站輸出每屆開伐之時工人達千名左右葛瓦斯賬房自用山林隊十餘名以資保衛尙無胡匪滋擾情事

鑛區 距站三里有砂場一處其沙可以溶製玻璃

治安 本站有路警護路軍站界以外歸東省特別區警察第三分署穆稜縣公安第五分局暨地方保衛團第二甲維持保護

鐵路設備 有公花園一處園地廣十餘畝內有球場俱樂部圖書館可供旅客遊覽又中央分醫院一處專備路員有疾治療又發電廠一處專供路員之需均係俄人經理

地方狀況 穆稜河自昔爲用兵之地本站之東有上城子又往昔屯戍之所故此站舊日即有居人惟

民風閉塞耳自本路開通戶口遞加智識開化工商各業日趨進步迥非昔比矣

機關 有護路軍東北第二十旅十八團暨軍用電報局長途電話分局分駐本站市內花園街東省特別區警察第三區第三分署木石稅費總局駐穆辦事處駐南站華街稅捐分局木石稅分局市政分局郵務處駐北站華街

學校 特區界內設有第十一小學校分高初兩級男女生共一百一十名第四小學校男女生共一百三十名經費均由特區教育廳撥發俄校一所分高初兩級男女學生共二百二十名經費由路局撥發自治團體 有商會理教會各一處

農況 本站附近農業近年頗見發達已墾荒田現達十分之七佃戶華人與韓僑約八與二之比

#### 穆稜小站

位置 本站地屬穆稜縣在興源鎮東南相距約二里餘興源鎮原爲穆稜縣治縣政府本設於此民國十九年三月遷移於八面通故此站現距縣治九十里右路警分駐所設於站之附近

交通 西北毗連興源鎮相距僅二里許東北距密山縣四百里正北距勃利縣二百里密勃兩縣平原曠野人煙稠密產糧甚夥均以大車運至本站轉輸並無長途汽車馬車舟楫往來

風俗 穆稜一帶移民墾荒始於清光緒初年及鐵路開通來者日衆故設縣治於此今雖縣治遷於八面通此地繁盛不因之稍減登山遠望屋舍鱗次櫛比固非他處小站所及也全縣戶口約五萬五千餘

人而此站幾居五分之一亦云盛矣

山水 本站面山傍水風景幽秀興源鎮南有孤山土人名曰糧台危崖削立爲吳憲齋中丞督辦邊防時駐軍之地穆稜河經流其下寬約五丈深五六尺不等一名芒牛河

古蹟 本站之西北相距六里許有古城築於山頂山頂平坦周圍約里許殘跡僅存蓋遼金所築由寧安至密山此地適扼其衝亦軍事上必爭之地也土名上城子與糧台作犄角之勢

名勝 穆稜小站四山景色皆可觀然言名勝必首糧台則地以人重故也今縣人議於山麓闢公園山高不過數丈而可以俯瞰全境便於登陟穆稜縣保衛團駐此

物產 本站附近物產全年統計大豆約三千噸大麥小麥稻米包米各約一千噸木耳元蘑約五噸又附近有植果木者產數未詳

輸出品 全年輸出經由本站者大豆約千五百噸由海參崴出口大小麥約三百噸燒酒約三十噸行銷本路哈綏線各站楊木三四百噸松木三百噸由海參崴出口運銷日本

輸入品 全年輸入經由本站者麵粉約百噸農具雜貨估計約一百五十噸煤斤約五百噸食鹽六噸布疋八噸

森林 本站週圍四五十里以外均係大森林有延長數百里者樹木大都爲樅松黃花松沙松及楊木等類因交通不便尙無包辦開伐者至零星開伐者均係臨時由縣政府請領山照估計每年約五萬噸



由本路各站輸出並無大幫胡匪亦無軍警駐守保護

治安 本站有路警保護沿線有護路軍興源鎮有保衛分隊一隊地方公安局及保衛預備甲約計兵力共一百名擔任維護

旅舍 興源鎮內有旅館二家一名寶興棧一名順昌棧每日店資約一元左右規模均不廣

地方狀況 穆稜設縣始於清宣統二年近來地方發達教育實業亦日起有功前途正未艾也

機關 機關除關於路政者外餘均設於興源鎮上爲穆稜縣公安第一分局在前街東頭穆稜保衛第四駐在所駐後街穆稜稅捐局穆稜財務分處郵務局均駐前街

學校 本站及特區界內均無學校興源鎮市內有穆稜縣立第一高等小學校第一女子高等小學校男校學生一百五十餘人女校學生七十餘人經費均由縣教育局籌撥

自治團體 興源鎮設商務會農務會各一處

農況 本站山多地少開墾較遲以穆稜全縣而論已墾荒田約二萬五千晌未墾荒田約四萬晌農民約三萬人內有韓僑約一千人

發展實業 本站附近森林爲唯一天產集資開伐誠乃極大利源惜交通不便耳

### 下城子站

位置 本站地屬穆稜縣在縣治西南六十里有路警分駐所

**交通** 北有穆稜煤礦支路與本路接軌凡北赴八面通縣署及梨樹鎮穆稜煤礦者均由本站改乘穆稜煤礦支路客車轉往行程均需四小時若赴密山勃利等縣則有長途汽車東北距下城子鎮約三里許交通甚便北距河西屯約四里道路不平僅有大車可以代步

**風俗** 本站附近下城子鎮當年居戶不過三五家近來遼魯燕各省農民移來者已達四百餘戶各守其舊有風俗間有漸染奢華者

**山水** 山勢開闊而無定名站西北爲穆稜河寬約十餘丈深約五六尺最淺處僅一二尺偶有民船來此倘水量深度相等則汽船自興凱湖上駛溯穆稜河而南可以直達此處故此地爲軍事上地理之重要咽喉民國十八年中俄事變起蘇俄軍隊直犯密山縣境東路沿線爲之震動亦以脈絡相通故耳

**古蹟** 本站原有古城一座所謂下城子也城周不過數百步居其中者不過五六戶自本站開闢後人民日增現僅有土垣數十丈再隔數年將無形跡可尋矣

**物產** 本站附近全年物產元豆約七千噸穆稜煤約四十七萬四千五百噸雜糧約四千五百噸黃鼠灰鼠皮約三千張木耳花蘑均值一萬五千元

**輸出品** 全年輸出經由本站者煤塊約四十七萬噸行銷東路沿線及密山勃利哈爾濱等處元豆約一千七百六十噸行銷歐亞各國鼠皮約六千六七百張木耳十二噸黃烟約十三噸均運銷內地各省此外由密山縣勃利梨樹鎮一帶經過出口之元豆約七百九十三萬七千六百七十一噸均由海參崴

## 出口轉銷各國

輸入品 全年輸入經由本站者雜貨布疋油鹽等約十二萬八千六百一十一噸焦炭約六千六百噸分銷於穆稜支路煤礦及密山勃利等縣

森林 本站附近森林開伐已盡惟南北相距各五六十里處尚有林木然僅供木柈燒柴之用以山路崎嶇轉運不便故無人注意開伐

礦區 本站迤北一百二十六里爲穆稜煤礦成立於民國十四年係吉林官紳與俄人謝結司合辦職工中俄各半總其成者爲礦山事務所中俄所長各一人內分四股爲礦務兼工程機械兼電務總務兼會計鐵道兼警察等股股長中俄人各一均受所長之指揮職員共約二百人常工約五六百人採煤專工約二千五六百人現採者爲第一二兩井第三四兩井尙未開採日出煤觔夏季平均約一千一百噸冬季約一千五百噸均經本站輸出每年獲利不等民國十七年度約二百萬元十八年度約二百四十萬元礦區及支路有自招之鑛警八十人維持受鐵道股長之指揮另駐有二十一旅護鑛陸軍一連每月由鑛所津貼大洋一千元尙無胡匪滋擾情事

治安 本站有路警保護並常駐護路軍一排特警派出所協同維護頻年以來尙稱平靜

旅舍 下城子鎮設有茂興大通宜春福順東東發合等客棧五家均係小本經營設備極簡陋往往夏停冬開每客日需膳宿費約一元左右

鐵路設備 本站票房之側設有鐵路小花園一處穆稜河畔設有浴場兩處球場一處

地方狀況 未築路以前農戶不過三五家其後各省農民來此者日見增加民國十四五年時戶口增至二百餘家並河西屯十餘戶迨穆稜開鑛建築支路運輸便利凡赴密山勃利一帶之旅客往來均取道於此及今不數年而居民增至四百餘戶矣河西屯亦增至一百餘戶商民約佔四十家但尙無相當之建築在二十年以前之荒涼曠地一變而爲繁盛之區此實業開發之效也

機關 有護路軍東北第二十旅十八團三營十二連之一排東省特別區警察派出所均在站之北端電報局在站之後方下城子鎮內有東北陸軍第二十旅十八團三營第十二連連部駐街之東站穆稜公安分局駐於街之中央郵務局設於街之南部稅捐分局設於前街西部地方保衛團在街之南方學校 本站及特區界均無學校下城子鎮內設有穆稜縣立第四小學校分兩級教授學生共九十二人第三女子學校學生六十二名經費均由縣教育局撥發

自治團體 下城子鎮內有農會商會各一處

農況 荒地開墾者約計三千五百垧每年增加可達百餘垧距站附近已無隙地每垧可得糧三石韓人耕種稻田者不過三戶人力有限收成不多至距站較遠處則均係山嶺無人開墾矣

### 馬橋河站

位置 本站地屬穆稜縣在縣治東南六十五里有路警分駐所

風俗 本站華俄居民約百餘家華人魯籍居多北平遼寧等籍次之係勞動界人

山水 本站山峯起伏係太平嶺山脈附近河流即馬橋河

物產 本站附近全年物產元豆約五六百噸

輸出品 全年輸出經由本站者元豆四百餘噸由海參崴出口

輸入品 輸入之品經由本站者爲雜貨洋貨布疋捲煙麵粉油鹽等類噸數不詳

森林 本站之東相距七十里有穆稜縣公用民林一處面積二百方里於民國八年間開始經營第一期全縣公舉武煥章充任所砍伐木材均租於俄商保博夫又有同益林業公司一處面積二百五十方里經華人史可權創辦現歸趙樹屏經理與民林連界亦租於俄商保博夫保博夫又轉租與俄商協結司原有山林警察一隊警士四十人民國十七年因營業蕭條遂將警隊撤去每屆夏令即停止營業尙鮮胡匪攪擾

鑛區 本站東北約三十里之遙民國十七年吉林省軍械廠廠長毛遇風君曾創辦稜川金鑛公司現在僅存工人二三十名所得僅堪糊口毫無利益原有鑛警因營業不振一律撤去僅駐收金辦事人員一二人尙無胡匪滋擾

治安 本站有路警護路軍站界以外有特區警察及地方保甲保衛四時均屬安靜

鐵路設備 本站附近有鐵路花園兩處局面甚小浴塘一處鐵路軍警職工等每逢星期六均往就浴

焉

地方狀況 本站在穆稜未築支路以前密山縣之糧石貨物均經由此站出入市面因此發達迨穆稜煤礦支路開通後本路繁盛之市面遂日形蕭索以客貨均經由下城子故耳

機關 有護路軍東北步兵第二十旅十八團二營營部暨第二營之第十連野砲排東省特別區警察派出所穆稜縣公安分局稅捐分局

學校 本站附近市內有穆稜縣立第三小學校初級學生兩班又縣立第二女子小學校初級學生一班經費均由穆稜教育局發給

自治團體 市內有穆稜商會分事務所鄉農會各一處均在一院內辦公

農況 本站附近荒地已墾者甚少農民約五百餘人韓人種稻者四十餘家

### 太平嶺站

位置 本站地屬穆稜縣在縣治四十五里有路警分駐所

山水 本站地在山嶺之上四望層巒起伏皆太平嶺山脈也

物產 本站物產以木柈爲大宗每年約一百五十餘噸

輸出品 全年輸出木柈約一百四五十噸

輸入品 輸入僅路員日用各品爲數極少

地方狀況 本站人煙寥落僅有農戶四家無商業可言

農況 本站山陵起伏氣候較寒不堪耕種故農戶甚少現今僅有農民十餘人在山坡平陽之處從事開墾已墾之地約計十垧左右

### 細鱗河站

位置 本站地屬穆稜縣在治東八十三里有路警分駐所

交通 本路東南三十里之遙有土城一內居韓僑百家再東南一百五十里即東寧縣城僅有馬車通行每車可載貨一千斤需價二十元左右約二日可達人民往來者甚少

山水 站東五里有細鱗河可通至小綏芬深約二尺寬約一丈不能行舟

古蹟 本站東南三十里有土城一周圍約十里不詳何時所築

物產 本站附近全年物產元豆二百四十噸木耳三十噸遇豐收則遞增

輸出品 全年輸出經由本站者元豆二百四十噸運至海參崴出口木耳三噸運上海分銷

輸入品 全年輸入經由本站者麵粉小米約共四十噸其餘雜貨噸數不等

森林 本站之南六十里有大森林直通老黑山均係黃花松果松足供三十年之開伐祇以山路崎嶇交通不便無人創辦又站之北本有大森林直通密山縣亦均黃花松果松僅距站五里清光緒二十九年俄人協結司開採修築鐵路設立火鋸用萬人開伐並有軍隊一排常駐保護所有木料均經本路各

站輸出近已開至距站百里處亦因山路崎嶇不便開伐遂將鐵路折毀於民國十年停辦

治安 本站有路警護路軍保護特區警察派出所協助之站界以外地方屬於縣境則有穆稜縣公安局分駐所及穆稜縣預備團保甲維持

地方狀況 本站之地原係荒嶺清光緒二年籌辦屯墾遷直魯兵民實之官蓋民房每人給牛一頭二人給犁一具按月仍給軍餉迨本路開通之日邊軍餉項已停遂留在當地開荒種地自後人民亦漸漸移來開荒者傭工者經商者種鴉片者統計一千五百人迨民國十二年嚴禁播種鴉片流民他徙地方亦因之冷落現僅存小鋪五家

機關 機關除關於本路路政者外有護路軍東北陸軍第二十一旅十八團三營九連東省特別區警察第三區派出所（均住特區界內）穆稜縣公安第三區第二分駐所穆稜縣預備團第四甲第四牌（分駐東街公安街）

農況 本站附近荒地已墾者約四百垧未墾者約千垧農戶約二百人

### 小綏芬站

位置 本站地屬東寧縣在縣治西北一百四十里有路警分駐所

交通 東南有寒蔥河村西南有土城子村相距各三十里由寒蔥河村達東寧縣城僅有馬車可以載貨每車客量約一千三四百斤由站至土城子寒蔥河各需車價五六元左右至東寧縣需費二十餘元



由站至縣每人車資約二元左右四時均可通行

山水 本站附近無山地近小綏芬河河寬處八九丈窄處丈許深處三四尺淺處一二尺河流向本站西南行至東寧縣三岔口入湖布圖河水流湍激並無船隻

物產 本站附近物產全年統計元豆青石各三千餘噸大木一千餘噸小麥一百噸左右木耳三四噸  
輸出品 全年輸出經由本站者元豆青石各約三千噸大木一千噸小麥百噸之譜木耳三四噸元豆小麥運銷海參崴青石大大運銷哈爾濱及南滿路木耳運大連上海分銷各地

輸入品 全年輸入經由本站者麵粉約二百噸粳米五十噸左右雜貨四百餘噸布疋鹽斤各四五噸  
日本水鞋約八九千雙水鞋爲農民種水田必需之物以水性甚寒非此不能衛足也

治安 本站有路警七人護路軍一連特區警察五六人分任防護

地方狀況 本站地方開闢已久惟前此交通不便僅有二三住戶自本路興工先從此處下手其後人口日多商號農戶始漸形繁盛現在統計商號約六七十家農戶約一千餘家人口達四千雖名小站實大鎮也

市政 本站設有人工油坊二家一係高文祿創辦一係尹占山創辦原料即購自當地

機關 有東北陸隊二十一旅七十四團第十連東省特別區警察派出所東省特別區收捐局均在特區署地段東寧縣公安局分駐所統稅分局木石稅分局郵務支局印花稅分處均在華街

學校 本站市內有東省特別區學校一處華生八十名俄生一名經費由特區教育廳發給東寧縣學校一處華生三十餘人韓生十餘人經費由縣教育局籌撥

自治團體 市內設有農會商會各一處

農況 近年頗見發展已墾者九十餘垧待墾者五千餘垧農戶約二千六百人韓人約一千人左右

### 綏芬河站

位置 本站地屬東寧縣在縣治東北一百四十里地處居邊陲與俄接壤爲中東鐵路幹線之終點銜接蘇俄烏蘇里鐵路路警第五段總署駐此

交通 西南距東寧縣一百四十里夏則大車冬則長途汽車攬挈皆可通行惟道路崎嶇每人旅行約需車資三四元不等

風俗 本本站華俄人雜處風氣特殊站西北二里有阜寧鎮農商居之則純係內地風俗也

山水 本站雖以綏芬河得名其實河流距站尙遠惟交界處有河溝一道則人工所浚也

名勝 站在山中其東南山峯較高上有俄文碑譯華文曰中東鐵路之山登此山可瞰附近全境東南距站十里許爲頭二三道山洞洞不甚深最長者約三百密達駐有國防軍守護三道洞外卽爲俄境有蘇俄聯軍駐守特區界內有華商所建之公園百草芬芳亭樹點綴其間差爲山川生色餘無可觀者

物產 本站附近全產物產元豆約三百噸大小麥各約二百噸馬鈴果約四五噸蔴菇木耳及一切菜

蔬共八十餘噸

輸出品 全年輸出經由本站者大豆小豆豆餅麥麩雜糧共計約八十九萬六千八百六十一噸之譜  
分運海參崴出口

輸入品 全年輸入經由本站者分外貨國貨兩項由哈爾濱等處運綏者率多國貨爲米麵雜貨等類  
或係當地居民所需或係出口經烏蘇里路出海者其輸入者率皆外貨如火油石煤沙糖道鐵魚類麻  
袋紙張機器鐵路用品雜貨等物約二十萬八千二百四十餘噸轉運哈爾濱等處分銷

森林 本站附近森林久已砍伐殆盡惟數十里外有大森林無人開伐

治安 本站由路警保護並由東北陸軍兩營防守四外有機關槍連迫擊砲連特區界內有軍警稽查  
處東省特別區第三區警察總署阜寧鎮有東寧縣公安第五分局故本站附近冬夏均甚安靜

旅舍 本站爲旅客經由之道旅館頗多兼營飯店之業以德泰樓復順樓增盛園永順福太星公司萬  
盛樓一和棧等七家較爲著名每人日需膳宿資約大洋一元左右

鐵路設備 有鐵路俱樂部內容完備分演劇電影跳舞球場四組又鐵路醫院一處路員浴室一處  
地方狀況 本站雖中俄交界之地而前此兩國交通皆取道小綏芬河達三岔口並不經由此道故未  
建鐵路以前森林遍野今山上樹根猶在路成以後地當孔道兼以朝鮮居民日多然來此種地者率以  
種烟爲事民國十一年綏寧鎮守使張宗昌將裕甯屯更名爲阜寧鎮建修馬路商舖住戶增至四百餘

家設裕寧墾務公司於綏芬河一帶名爲墾荒商務日見發展自吉省嚴禁種烟墾民驟少去年中俄事變又經兵燹益形衰落迄今尙未復元市面流通惟用哈洋出國境後則須美金及俄鈔矣

市政 本站建設土馬路在山坡上經路四道緯路八道路員則住鐵路官房又華街一道均係中國商店有華商寶成電業公司電燈廠可帶燈二千餘隻經理李金聲資本八萬元東路地包工廠而外並無其他工廠

機關 機關除關於本路路政者外凡十二處一東北陸軍步兵第二十二旅七十四團團部並第一三兩營營部機關槍連連部迫擊砲連連部二綏芬軍警稽查處三東省特別區第三區警察總署四東省特別區第三地畝分局五吉林稅捐分局六東省特別區市政分局七吉林交涉分局八吉黑樞運五站驛倉九濱江關駐綏分關十駐綏郵務支局十一蘇聯駐綏領事館

學校 特區界有第三學區第一小學校男女生一百六十人蘇聯路員子弟第九中學校男女生三百十九人附設兩等小學校男女生二百五十五人經費均由東省特別區教育廳撥發

自治團體 本站有自治會商務會各一處均在特區界內

農況 本站山地居多已墾者約三千餘晌待墾者甚廣農民直魯籍者約四五百戶人丁男女併計約二千餘人韓民約二十餘戶人丁約百人日俄兩國僑民人數未詳

# 中東鐵路各站調查書卷中

西路

## 廟台子站

位置 本站地屬黑龍江省呼蘭縣在縣治西南五十里有路警第一段廟台子分駐所自此以西至十八里小站皆黑龍江省地界也

交通 南距松花江岸十二里江內交通已詳見哈爾濱站條下東南接近馬船口及松浦鎮均爲呼海鐵路之要站馬船口爲呼海路之起點松浦鎮爲呼海路公司所在地此路由馬船口至海倫長一百九十六里更有運貨路綫與本站相銜接僅兩路輸送貨物不載旅客又呼海支路毘連本站每屆松花江將封將開之時往返開駛數日以便利旅客往來

風俗 鐵路未築以前地本荒原無風俗可言自通車後漸由關內移民開墾習俗樸陋附近有小村落五處統名曰廟台村共一百三十七戶男女老幼六百七十餘口除十數戶小本營商或作工外餘均務農自本路以西至昂昂溪站之東昔日爲郭爾羅斯後旗及杜爾伯特旗游牧之地自昂昂溪以西至興安嶺中間沿嫩江兩岸昔日爲達呼哩人所居之地自興安嶺以西至滿洲里昔日爲索倫及巴爾虎打牲部落所居之地風俗大同小異地方情形昔荒陋而今開化大致略同特紀於此以下不按站敘述以省重複

山水 附近有黑魚泡適當路綫築路時相傳有黑魚爲患路基屢修屢壞嗣以大宗灰石擁塞始克修成現仍存三分之二水深丈餘不通舟楫

物產 附近物產以大豆爲大宗穀子玉黍次之其他各雜糧又次之總數每年約四五百噸

輸出品 全年輸出經由本站者以大豆爲大宗雜糧次之總量約六七千噸分運各處銷售大豆行銷各國由大連海參崴等處出口

輸入品 全年輸入經由本站者以布棉爲大宗普通需品次之總計年約三四百噸

治安 本站範圍由路警保護站外駐有東省特別區水上警察署派出所一處官警共五員名每屆夏令冬底胡匪出沒但站內因戒備嚴緊故匪患較村落爲少

鐵路設備 本站西北三里許路局設圍場一處往年赤俄僑民恒持械牽犬縱橫射獵今已冷落僅留看守者一人

地方狀況 居民務農爲生成小村落歷年並無進展金融流通以哈洋及江省官帖爲標準

機關 有東省特別區水上警察派出所及呼蘭縣稅捐徵收分卡各一處

農況 本站近地均已開墾成熟農戶均爲本國人

### 對青山站

位置 本站地屬呼蘭縣在縣治西北四十五里有路警分駐所

交通 南距樂安鎮十八里東鄰吉林濱江縣界南肇州縣界交通自濱江外均用小汽車或馬車計三十里約需旅資一元四時皆可通行

風俗 本站在十數年前居民不過十餘戶自本路開通陸續遷來者迄今約有三百餘戶大都籍隸直魯兩省民國十八年設立學校民智漸開

山水 本站附近之南北有兩土山因兩山相對故名對青山

物產 附近以元豆爲大宗小米紅糧小麥包米次之每年約計七十九萬餘噸

輸出品 全年輸出經由本站者元豆約二十九萬七千噸小米二千九百噸紅糧一千八百噸小麥二千三百噸包米九百七十噸銷於大連營口海參崴等處

輸入品 全年輸入經由本站者煤炭約二千七百噸木炭七百噸木料二千五百根麵粉一千七百噸雜貨二千八百噸煤油二百五十噸

治安 本站由路警護路軍保護路綫外有特警派出所保安隊聯防維護故站界之內無滋擾情事  
旅舍 市內有天利園旅館尙屬可靠每日需費大洋一元

地方狀況 詳見上風俗條市面流通以哈大洋及廣信官銀號紙幣爲本位

機關 有護路軍一連特警派出所保安隊一排電話局郵政局徵收分卡特警捐所各一處  
學校 有東省特別區十六小學校一處華生一百二十人經費由特區教育廳撥給

自治團體 本站自治團體已成立者有商務會一處

農況 本站附近均已開墾農民約五百餘人

滿溝站

位置 本站地屬肇東縣在縣治東南六十里有路警分駐所

交通 東距蘭西縣六十里南至肇州一百里西至肇東六十里北至青崗縣一百里時有長途汽車往來交通便利每百里每人哈洋四元每車可容二十人裝貨可容二千斤四時均可通行

風俗 本站農民由外省遷來者數居其半各仍固有之風俗

物產 本站附近物產計分大豆紅糧包米小米洋草豆油麻子大麥等類年產共計五十二萬八千噸  
輸出品 全年輸出經由本站者統計黃豆紅糧包米小米洋草豆油麻子大麥等項三十一萬五千二百噸

輸入品 全年輸入經由本站者統計木料麵粉煤炭鮮貨雜貨布疋等項二十六萬三千四百五十噸  
治安 本站除路警外並有江省陸軍一旅騎兵第四團本部及護路陸軍第一旅三團一營本部暨東省特別區警察第三分署合力警備四時尙稱安謐

旅舍 附近有匯通源福合源旅館二家尙較可靠每人每日需哈洋三角

地方狀況 風爲荒僻之區今則商業集中糧市尤旺爲西路繁盛之地市面流通以哈洋及江錢爲本



位

市政 有電燈廠一處係各商家股份公立此外無較大工廠

機關 有護路軍步一旅三團一營本部設北二道街特警第三分署設北頭道街市政分局地畝分局均設南二道街稅捐局設北二道街軍警督察處設南四道街江省第一旅騎兵第四團團部設七道街學校 本站市內有肇東縣立第二十七小學校經費出自本縣又有東省特別區區立第四小學校附設女子小學校經費由特區教育廳撥給

自治團體 市內設有商務會農務會慈善會各一處

農况 本站附近之地均已開墾農民約計二百戶

### 宋站

位置 本站地屬肇東縣在縣治東北四十五里有路警分駐所

交通 此爲小站故與附近各村鎮並無車輛船隻可以交通

風俗 居民皆自他省移來現在調查商人四十九戶民人五百二十七戶男女共計二千一百四十三人習慣樸舊邇來頗見開化

物產 本站附近物產年計元豆二千五百噸羊草三千噸

輸出品 全年輸出經由本站者元豆一千三百噸羊草二千二百噸分運哈爾濱轉銷

輸入品 全年輸入經由本站者棉花二十噸布疋三千疋其餘爲米麵及日需雜品

治安 本站除路警保護外另駐護路軍一連暨特警分駐所協同維持故四時站界附近尙稱安靜

旅舍 本站附近祇有行旅小店一處每日需費哈洋一角

鐵路設備 本站鐵路設備祇有浴場一所

機關 站西小街設有特警分駐所稅捐分卡市政收捐所郵務局站內駐有護路軍

學校 市內設有東省特別區區立第十七初級學校學生百名經費由特區教育廳撥發縣立第二十四初級校學生四十名經費由縣籌撥

自治團體 本站附近設有商務會慈善會各一處

農況 本站附近均係城地除產羊草外不堪開墾

### 安達站

位置 本站地屬安達縣在縣治西南六十里路警第一段副段長駐此其分署設於站之附近

交通 東至安達縣六十里每人旅行費約四元距站附近並無名村重鎮其餘旁近各縣東距青岡縣三百三十里每人旅行需費八元東北至明水縣相距二百五十里每人旅行需費五元又東北距拜泉縣三百六十里每人旅行需費八元又東北距克山縣四百五十里每人需費十元北距林甸縣相距二百里每人旅行需費四元以上六縣均與本站聯絡交通每年冬季各縣糧車進站售貨每日或多至一

千數百輛四時來往客商採辦貨物均以大車汽車裝運絡繹不絕每車載重約二千五百斤終年無阻風俗 昔沿蒙俗今習歐風學校日多教育漸廣居民約計二萬六千餘人

物產 本站附近物產全年統計紅糧三千餘石穀子一千二百餘石包米一千餘石共合計二千六百五十餘噸

輸出品 全年輸出經由本站者大豆小麥雜糧防風甘草黃芪等類共計五十餘萬噸行銷於海參崴大連營口等處

輸入品 全年輸入經由本站者大豆小麥包米紅糧豆餅豆油甘草黃芪木植煤鹽及其他大宗雜貨約共八十萬噸

治安 本路除路警保護外駐有護路軍一團兵力較厚平日地方安謐冬夏距站稍遠處間有匪患駐站軍隊每一聞訊馳往痛剿匪即潰散

旅舍 本站道東有福順旅館悅來棧東發合棧大有棧等四家每人日需旅費哈洋一元左右

鐵路設備 本站附近設有園林二處醫院農事試驗場俱樂部浴場各一處

市政 本站市內設有電燈廠一處經辦人爲王興武貧民工廠一處經辦人爲杜紹彭均用機器其材料由哈爾濱採辦

機關 有護路軍東北陸軍第 旅第三團東省特別區第四區警察總署均駐地段街軍警督察處駐

四道街騎兵第一旅第四團第四連駐八道街東省特別區第四地畝分局駐北二道街安達稅捐徵收總局駐三道街特警保安第二大隊駐三道街安達硝磺分局駐四道街東省特別區收捐所駐二道街東省特別區市政分局權運分局長途電話分局郵政分局均駐頭道街菸酒事務分局駐四道街學校 有特區第四中學一處小學六處安達縣縣立初級女子小學一處八校共有學生一千五百人蘇聯高級小學一處學生七十五人除女子小學經費由縣籌放外餘均由特區教育廳撥發

自治團體 本站市內設有商務會商團附設商會院內計團丁四十名又慈善會一處

農況 本站附近農況頗見發達凡可種之地均已開墾熟地約二千餘垧生地五百餘垧生地土質多含鹽性草木不生僅作牧場之用農戶五千餘人俄人十餘人

發展實業 本站市內近有王興武楊蘭廷二人籌議創設一女工縫織工廠規模宏大尙未成立

### 薩爾圖站

位置 本站地屬安達縣在縣治東北一百二十里自此以西爲路警第二段管轄區域本站有薩爾圖分駐所

交通 除木路路線交通外附近並無其他繁盛市鎮故無長途汽車馬車等往來

物產 本站附近物產以羊草爲大宗每年出產約在七八百火車每車可載重五百五十甫特

輸出品 全年輸出經由本站者羊草一項約計七八百火車

輸入品 全年輸入經由本站者僅日用各品其數未詳

治安 本站除路警保護外有護路軍黑龍江步兵第一旅三團一營四連三排

旅舍 本站附近僅有小店二家並無牌號

鐵路設備 本站鐵路設備僅有浴塘一處

地方狀況 附近自鐵路設站以來以地不宜農狀況尙無進展

機關 有護路軍三排及稅捐局

自治團體 本站附近設有勸戒烟酒公益慈善會

農况 本站附近荒地已墾者共計三千五百垧餘均荒田耕種者多來自各省

### 喇嘛甸子站

位置 本站地屬泰康設治局在局址東南方六十里有路警分駐所

交通 本站除本路路綫交通外並無其他聯絡西距泰康設治局六十里

風俗 農家二十餘戶風俗頑舊

物產 本站物產年計羊草約一萬餘噸防風藥材約一百噸

輸出品 全年輸出經由本站者羊草約萬餘噸行銷本路各站防風百噸銷於營口

輸入品 本站附近人稀由站輸入者祇有零星雜貨

治安 本站範圍由路警保護冬夏均稍平安此外並無其他軍警

旅舍 市內僅有小店三家每日宿費江錢百吊

鐵路設備 有浴場一處

地方狀況 人煙寥落雖有街基迄未修路流通紙幣以哈洋江錢爲標準

機關 有林太徵收局喇嘛甸子分卡一所

學校 市內設有私塾一處華生八人

農況 本站附近均係城地可墾之地寥寥農民祇百餘人

#### 小蒿子站

位置 本站地屬泰康縣設治局管轄設治局即在站東半里站有路警分駐所

交通 東北距林甸九十里有長途汽車馬車四季通行每人車資約一千二百吊馬車專載貨物糧石

風俗 土著極少居民率自各省移來風氣仍多蔽塞

物產 本站附近物產以羊草爲大宗大豆次之其特產品爲藥材防風黃芩甘草等

輸出品全年輸 出經由本站者黃豆約七千火車每車約載一千百二三甫特其他雜糧約一千火車

載量相同羊草約六千四百火車每車約載六七百甫特防風甘草黃芩等約三萬甫特

輸入品 全年輸入經由本站者木料約一百五六十火車左右木柁約十車左右煤斤約五六十火車

石炭約十火車每車載重三千甫特之譜其他爲零星雜品

治安 路站範圍有路警及黑龍江陸軍第一旅第三團第二營第七連一連站外則特區警察派出所暨泰康縣警察第二分局並馬巡隊聯合維持故平時地面安靜冬日略有驚擾

旅舍 附近市內有客棧十處均甚簡陋每人日需宿費江錢一百五十吊

鐵路設備 本站鐵路設備有職工小浴室一處

地方狀況 未築鐵路以前人跡罕至近年自他省移來就食者日多民國十六年劃安達林甸泰來三縣境爲泰康設治局市面金融以廣信市帖爲本位以哈江兩大洋票爲副

市政 市區範圍不廣而街道平坦有汽車多輛專駛林甸縣又有長途電話局係黑龍江省電話局分設市民稱便此外有華人郝桂馨私立小火磨一處現已停業

機關 市內有泰康設治局江省林泰稅捐徵收總局郵務局特別區警察派出所黑龍江陸軍第一旅第三團第三營營部市政辦事處

學校 本站市內設有特區初級小學校學生一百二十人經費由特區教育廳撥給

自治團體 市內自治團體現僅設有商務會一處

農況 本站附近之地多屬生荒約五千餘垧已墾者約九百五六十垧農民約一百二十餘戶人丁約三百五六十人地多人少是以出產不豐

發展實業 地本城區距站七八里處有小本私設鹽碱鍋數處倘能設廠改良熬製當可獲利

### 煙筒屯站

位置 本站地屬林甸縣在縣治西南百里站有路警分駐所

交通 附近東二十里有當愛屯南有二十五里有煙筒屯西三十里有突木台北十五里有哈屯等各  
大村鎮旁近各縣聯絡有長途汽車馬車四時可以通行昂昂溪來之汽車至煙筒屯由煙筒屯至泰康  
每人旅費約哈洋一元至突末台由突木台至泰來每人旅費二元五角至當愛屯哈屯可往林甸每人  
旅費約二元由突木台至林甸每人旅費三元四角由煙筒屯至當愛屯每人旅費一元五角馬車冬季  
裝糧至昂昂溪或江省載重約一千五百斤車價隨時面議

物產 本站附近物產以羊草爲大宗五穀次之

輸出品 全年輸出經由本站者羊草約四十萬甫特運銷於富拉爾基札蘭屯博克圖等處

輸入品 全年輸入經由本站者爲雜貨米糧木料等爲數無多

治安 本站有路警及護路軍一排保護附近人烟稀少時虞匪患惟本站尙稱安靜

地方狀況 在未築路以前荒涼一片惟蒙民牧畜有時來此地處窪下蘆葦甚盛浮水尤深站本設烟  
筒屯以多水患遷至此處其實此處非烟筒屯也遷站之初無一住戶歷年遞進今日始有住戶十餘家  
鋪戶六家流通紙幣以江帖爲標準



農況 荒地開墾者甚少居民均以刈洋草爲生農民僅有二十餘人

### 昂昂溪站

位置 本站地屬龍江縣在縣治西南八十里路警第二段分署設於站之附近

交通 東距黑龍江省城八十里齊昂鐵路三等票價每人一元並有大小汽車往來每人車費約一元五角左右西距富拉爾基十八里火車而外冬令有汽車往來越嫩江而過一經開江即不通行西去二百里至甘南縣西北去二百里爲東陽鎮均通長途汽車每人旅費約需五元東去四百里爲克山縣長途汽車每人需費八元北至嫩江縣五百四十里長途汽車每人需費十元

風俗 本站地近蒙疆本達呼哩人遷居之地風俗樸野不重教育近來商業發達文化進步居民由直魯等省來此經營農商事業者占大多數

山水 地勢低窪無崇山峻嶺渡江而西即富拉爾基每屆夏令中外人士相率前往避暑路局於江邊備有避暑房舍極爲清潔

物產 本站附近物產以元豆爲大宗每年約九萬噸小麥爲次每年約三千噸

輸出品 全年輸出經由本站者麥麵一萬二千噸行銷於齊克洮昂兩路沿線各鎮及江省北部各縣元豆七萬噸小食一萬噸均運銷哈爾濱豆餅五千餅行銷大連豆油二千五百噸行銷江省北部各縣輸入口 全年輸入經由本站者雜貨布疋約三萬噸之譜

治安 自路警外常駐護路軍步兵一營特區地界由特警維持遇有必要時則有商會臨時之保安隊數十名以補警力之不逮此外尚有軍警督察處及憲兵分所車站檢查所盤查奸宄地面頗安

旅舍 附近著名旅館有張家店悅來店天泰棧中華棧會發棧福順棧六家每人日需二三角不等

鐵路設備 有醫院花園俱樂部各一處

地方狀況 地當齊昂洮昂之衝交通便利自洮昂至營口鐵路可以直達故年來地方繁盛黑省之有昂昂溪猶吉省之有哈爾濱也

市政 鐵路電燈廠供車站及路員官舍燃用市內燃省城轉電發光之電燈振昌機器火磨一處規模尙備廣信和義豐祥機器油房一處規模較振昌爲次原料均來自龍江克山拜泉太康等縣

機關 本站機關除關於本路路政者外其他列下

特警分署憲兵分所均在道北鐵路官房護路軍一營在兵站台附近之南大營軍警稽察處在道南市政局在東頭道街稅捐局電話局均在中二道街郵政局電報局均在二道街市政公所在三道街學校 特區學校第五中學設於南五道街第八中學設於道北華生八十五名俄生二百五十五名第七小學第三女學均設於四道街第九小學設於道北華生共四百六十六名

自治團體 市內有商會一處設於西二道街

農況 地土多係沙質居民不務農業近年以來直魯難民移來開荒者日衆頗見開展

## 富拉爾基站

位置 本站地屬龍江縣在縣治西南四十里有路警分駐所

交通 西距景星鎮一百里四時有長途汽車春冬每人旅費大洋三元秋夏大洋四元并有小汽船由江富往來搭客每人票價約一元五角

風俗 四方聚處俗雜華洋人數約五六千人

山水 站之東二里爲嫩江寬二百五十米達水深六米達春夏秋三季均行風船北達訥河載運糧石并有小輪船由江富往來

名勝 嫩江沿岸氣候絕佳中東鐵路設備花園房舍爲避暑及療病之所

物產 附近物產以元豆爲大宗年計約四百九十五噸紅糧次之約三百五十噸穀又次之約一百八十噸

輸出品 全年輸出經由本站者元豆約四百噸銷於哈爾濱

輸入品 全年輸入經由本站者麵粉約一百五十噸鹽斤三十噸布疋十噸

治安 有軍警協力保護四時安謐

旅舍 市界有福順棧天順棧悅來棧設備平常每人日需費三角五分

鐵路設備 有療養病院公園球場

地方狀況 此處原爲曠地本名紅砂坎以江濱多沙灘故也每屆夏令中外人士來此避暑者甚夥市面亦惟此時最旺

市政 市內設有電燈廠機器油房各一處均係商辦鐵路所設之電燈廠專備本路機關公用機關 駐護路軍一團有特警分駐所市政分局稅捐分卡等

學校 市內特區第五小學校男生一百五十名女生五十名經費由特區教育廳發放

自治團體 市內有商會自治會各一處

農況 附近荒地均已開墾農戶均係本國人

### 呼爾呼拉站

位置 本站地屬龍江縣在縣治西南七十里有路警分駐所

交通 汽車通景星每人旅費約四元有餘如道路泥濘時票價增漲景星縣所產之糧亦自此路運至

### 富拉爾基出售

物產 本站附近物產以元豆爲大宗年約三千一百噸羊草次之約一千六百噸

輸出品 全年輸出元豆一千六百二十五噸羊草七百一十五噸行銷海拉爾滿洲里哈爾濱等處

輸入品 祇有日用零星雜品爲數無幾

治安 本站有軍警保護市內則有特警保甲維持

鐵路設備 有浴室一所

地方狀況 本地舊名庫庫勒屯乃達呼哩人居住之所近年荒田日闢移民驟增氣象與昔異矣

機關 黑龍江陸軍第一旅步兵三團第二營第六連第三排駐此

農況 本站附近田地均已開墾種田者約萬餘人

### 都爾奇哈站

位置 本站地屬龍江縣在縣治西北九十五里站有路警分駐所

交通 本站附近並無較大村鎮正西六十里爲景星縣來往均用馬車每人旅費約三元冬日載貨不過五千斤夏日載貨不過一千五百斤雅魯河橫界其間夏日有舟可渡尙稱便利冬日由冰上行一經解凍馬車即不通行東北一百四十里有甘南縣馬車可以往來每人旅費約四元上下載貨重量與赴景星縣相同純係土道四時可行由站赴龍江縣除火車外馬車亦通旅費載重均與赴景星縣同因隔有嫩江春夏秋三時總不如冬日便利也

風俗 土著甚少現有人民多移自他省風俗純厚

山水 本站西南二十里有雅魯河源出興安嶺水淺而急河面頗寬舟不能行

物產 本站附近物產每年約計糧石二千五百噸羊草二千噸藥材七百噸

輸出品 全年輸出經由本站者元豆約一千噸稷子約七百噸小米約六十噸包米四十噸藥材六百

五十噸均運往哈爾濱再行轉銷羊草約一千五百噸分運哈滿等處銷售

輸入品 全年輸入經由本站者麵粉約一千五百噸豆油約五百噸

礦區 本站之西十八里地曰官窰二十年前曾發見煤鑛尙未開採

治安 本站有路警保護並駐陸軍兩排特區有警十餘名協同維護

鐵路設備 只公共浴室一處

機關 有陸軍連部特警派出所統稅分卡市政辦事處均在站台相近

學校 有私塾一處尙無公立官立之校

自治團體 市內設有商會一處

農况 本站附近荒地已墾與未墾爲二與八之比沃壤無垠待人墾植農民約有萬人更有少數俄人多使用火犁開墾

### 碾子山站

位置 地界龍江雅魯兩縣之間在雅魯東南一百二十里站有路警分駐所

交通 鄰近各縣相距遙遠汽車不通旅客往來除鐵路外均須步行甚爲不便

山水 站因碾子山得名雅魯河濟沁河在站之附近寬處二十餘丈深約三尺一二尺不等水流湍急

不能行舟

物產 本站附近物產年計包米稷子元豆穀子各百噸左右蕎麥高糧各五十噸左右碾磨爲此間特產約三百合上下

輸出品 全年輸出包米元豆稷子穀子各六十噸左右運銷於哈爾濱滿洲里海拉爾等處

輸入品 全年輸入麵粉大米布疋雜貨油酒鹽斤棉花等項統計均在一百五十噸左右

鑛區 碾子山有石鑛早經開採其石可製碾磨十九年五月間有王長青者設石鑛總公司工作者約二三十人所產之碾均由本路輸出每年利益約二三千元鑛區在站西十八里尙無胡匪滋擾情事

治安 站有軍警保護尙稱安靜

旅舍 附近祇有小店較著者爲華興店劉家店張家店趙家店福順棧五家每人需費大洋八角

地方狀況 本站農商之利日關人民日增小本營業歷年有加市面流通以哈幣爲標準

機關 有警察分駐所雅魯縣稅捐局徵收分卡及護路軍一連

學校 市內有私立小學校一處學生二十人經費由各生分擔

自治團體 市內現設農會商會各一

農況 本站附近農業近來頗見發展荒地已墾者約十分之三待墾者約十分之二農民約三百餘人

成吉思汗站

位置 本站地屬雅魯縣在縣治南六十餘里站有路警分駐所

風俗 此金元戰守之地自古以爲重鎮然遺蹟久湮祇有索倫人游獵其間風俗曠悍設站以來始有住戶遷來粗野喜鬪之風仍未能免

山水 四面皆山均無定名自此以西山脈蜿蜒不絕皆興安嶺支脈也

古蹟 本站迤南二十餘里有一邊壕迤邐數百里沿壕之北岸相距三五里之遙有城寨一相傳係金時所築站南五里許有三土圍遙遙相對高約丈餘蔓草荒翳形跡幾不可辨有謂係成吉思汗之墓者乃附會之詞也

名勝 本站東北十餘里有溫泉一泉流極盛嚴冬無冰

物產 本站附近物產年計木柁約五百餘古磅稷米約二千餘石

輸出品 全年輸出經由本站者木柁三百餘古磅運銷昂昂溪安達等處

輸入品 全年輸入經由本站者麵粉雜貨約千餘甫特

森林 本站迤西百餘里有森林區方圓百餘里山道崎嶇轉運不便尙無人採伐

治安 本站自路警外常駐護路軍一排維護路線距站附近四時尙覺安靜

機關 有東北護路陸軍一旅三團二營五連之一排及雅魯縣稅捐局徵收分卡

農況 農田均係新墾每歲收穫僅能補償其所需而已已墾者約十分之三四種地者約五六百人其中外僑祇三五人



## 札蘭屯站

**位置** 本站地屬雅魯縣與縣治昆連站距縣治祇里許有路警分駐所在車站後規模宏敞各段路警分駐所無其比者

**交通** 東南距徐家地營子十里西南距王家地營子五里西距接家營子八里

**風俗** 原有土著係索倫人今索倫人散入山中外省人來者以遼寧人爲多約計四百二十五戶人丁統計一千七八百文化日進智識漸開較昔日迥不相同

**山水** 三面皆山山上有涼亭一山麓有雅魯河水清而流疾不能行舟下流築有石壩將水逼住可以游泳沐浴風景天然大似浙西山水每屆夏令遊人來此避暑絡繹不絕爲本路沿線著名勝景之一

**物產** 本站附近物產以木柁爲大宗木炭榛子水稻木耳白菜等類次之

**輸出品** 全年輸出經由本站者木柁五萬六千五百甫特木炭二萬一千三百甫特榛子二千二百甫特木耳四百甫特白菜七千五百甫特番薯四千五百甫特

**輸入品** 全年輸入經由本站者麵粉二千五百甫特雜貨六甫特包米八百甫特大米四百二十甫特

**治安** 本站有路警及護路軍保護特區有特警維持每屆夏日避暑人士雲集之時特警處加派保安一分隊來札增防

**旅舍** 本站市內僅有源豐旅館中發合客棧安寓行旅取價甚廉

鐵路設備 札蘭屯爲鐵路人員療病之所設有醫院公園球場沐浴場戲園花園圖書館牛馬奶公司牧馬廠各一處避暑場樓房二處磚石房十五處專供中外人士避暑養病之需空氣頗佳但多蚊蟲耳另有俄職工設備之俱樂部一所可供公餘消遣

市政 本站附近市政設備未全華商市面均在縣城以內站有本路所設之電燈廠供本站機關官舍及雅魯縣市燃用

機關 有江軍步一旅旅部及騎步兵各一連市政分局特警分所郵務局軍用電報局雅魯縣稅捐局學校 市區有特區區立第十五小學校內設高級一班初級兩班男女生共一百三十一名內部組織設校長一職員二教員五經費出自東省特別區教育廳又蘇聯第十四小學校男女學生七十名內部組織設校長一男女教員三經費出自中東路局

自治團體 有商務分會歸雅魯縣商會統轄又鐵路華工事務所一處

農況 本站附近已墾熟地二千一百餘垧待墾荒地七千餘垧農戶三百一十餘戶人丁約一千三百餘口內有朝鮮人一百二十七人

發展實業 雅魯之水可以製酒有商人李慎齋者正在計劃創辦中

### 哈拉蘇站

位置 本站地屬雅魯縣在縣治西北六十里站有路警分駐所

交通 除路線外別無交通之道

風俗 居民自內省來者約百人俄韓僑民各三十人風俗各異智識不甚開化

山水 四面多土山均無定名道南有雅魯河寬處約一百米達深處約五六尺水流湍急無船隻

物產 附近物產年計木柁約二三百古磅木炭約七千甫特榛子約二千甫特木耳約三十甫特

輸出品 全年輸出經由本站者木柁二三百古磅木炭約七千甫特榛子二千甫特木耳三十甫特運

銷於昂昂溪安達哈爾濱等處

輸入品 全年輸入麵粉二千二百餘甫特包米三百十五甫特食鹽六十三甫特煙捲二十五大箱白

酒一百七十八甫特豆油一百十甫特小米二百七十六甫特

森林 本站南北十餘里處之森林係江省第二旅王旅長創辦歸永利公司經理每年產量約二三百

古磅由本站輸出其林場歸巴里木山林隊保護

治安 有軍警保護尙爲安靜

機關 有護路軍及雅魯稅捐局分卡

農況 本站附近地畝已開墾者約五百餘畝係華人置買歸韓人經營待墾者尙有一二百餘畝

巴里木站

位置 本站地屬雅魯縣在縣治西一百二十里站有路警分駐所

交通 巴里木本名巴林乃昔日由齊齊哈爾至呼倫必經之地舊有巴林臺駐領催一人臺丁六人馬十二匹牛十八隻車六輛今廢

風俗 本站向來民風樸素均以養馬牛伐木枋爲生近來中外雜居俄人索倫人三五成羣不時入山打獵然山中胡匪衆多獵戶不敢深入也

山水 四圍多山最著者爲喇嘛山在站之東南相距約二里許雅魯河在站之北相距約半里最寬之處有三四丈深處六七尺水流湍急不能行舟

名勝 本站之東南約二里許有高山山頂奇峰怪石周遭羅列山下有泉一山峯之形有似老僧者故名曰喇嘛山稱爲天然名勝

物產 本站附近物產年計木枋三千六百四十五噸木料七百五十噸榛子三百一十甫特木耳二百零六甫特

輸出品 全年輸出經由本站者木枋三千六百四十五噸木料七百五十噸榛子三百一十甫特木耳二百零六甫特木炭三百六十噸運銷於省城及長春哈爾濱等處

輸入品 全年輸入經由本站者麵粉七千二百甫特包米三千甫特小米四千零五十甫特高糧一千七百甫特

森林 本站南北皆有森林南曰南溝北曰北溝距站各三十餘里山深多伏莽故林場不能盡量開採

今有林場兩處一永利公司係華人集資開辦一係俄人七舌子獨資創辦兩處範圍均甚小每年產額二百七十八火車每車載十三噸至十五噸視木料面積大小而定工人共三四十人此項本料均由本路輸出兩家利益約有哈幣萬元之譜

治安 本站祇有路警及江省護路軍連部居民稀少尙無特警之設

旅舍 倚山臨水空氣最佳路局設避暑之所可容數百人夏日有哈爾濱青年會來此避暑自携棚帳宿於曠野

鐵路設備 有避暑旅館球場浴場各一處

地方狀況 本站中俄居民不過四十餘戶以伐木狩獵爲生

機關 有護路軍步兵連部及雅魯稅捐分卡

農況 本站氣候較寒不適耕種所產僅番薯大頭菜而已

### 雅魯站

位置 本站地屬雅魯縣在縣治北一百八十里站有路警分駐所

交通 本站東西均高山峻嶺住戶絕無東四十里爲布西縣西三百里爲蒙古地祇可乘馬或坐四輪運木車往來但以山路崎嶇且有索倫人爲害商旅無敢行者

風俗 本站原名邢家窩堡爲舊日赴海拉爾驛道住戶二三家均邢姓本路建築之時有直魯省人來

此工作其時無屋舍工人夜宿帳棚近十餘年住戶始漸增加即工人携眷來此者所居架木爲小屋最近調查住戶約六百人此外俄僑住戶均鐵路工人之眷屬

山水 四圍皆山均無定名雅魯河經流其間

名勝 站東十五里有一山洞名曰仙人洞相傳內有仙蛇首尾長數十丈曾一現形近則不見石穴中有一洞深不可測其口週圍約四丈云

物產 本站附近物產年計大木木柁五千四百噸木炭約二千七百噸木耳約三千斤黃芩約一萬斤  
輸出品 全年輸出經由本站者大木木柁約五千四百噸銷於昂昂溪海拉爾滿洲里各地木炭約二千七百噸銷於昂昂溪安達甜草崗小蒿子各地木耳約三千斤銷於哈爾濱長春及雅魯以下沿站各地黃芩約一萬斤運往冀州炮製再行外銷

輸入品 全年輸入經由本站者包米麵約六千甫特包米二十火車約三百噸左右小米約二千甫特麵粉約一千甫特其餘爲油鹽雜品數量極少

森林 本站附近林木已少遠處森林週圍面積約二百方里因交通不理由山運木用四輪馬車前此集資創辦者爲俄人名曰茂大公司後有本國人趙品三經營雅魯公司因辦理不善先後停辦併歸博克圖新義公司經營其經理人爲李德才每年產量木柁三萬古磅木炭大木約二三百火車公司房屋十五間內部組織經理之外有司賬三人辦事及工役七八人工人三百名四輪運木馬車一百三十輛

由工人出資購置運木梓交公司每古磅給費二十五元養馬一百七十八匹內尚有炭窰二十處工人窩堡二十處每年能得利五六萬元以前由公司僱索倫人五六名保護入山工人車馬定名爲山林隊現已改歸雅魯縣警察辦理以防山內胡匪

治安 本站有軍警保護尙稱安靜春秋冬三季工人入山運木山內索倫匪人常劫掠馬匹雅魯縣因於本站設山林隊亦稱保險隊官兵五人均爲索倫人

地方狀況 人口六百人有小舖六家

機關 有護路軍一排及雅魯縣稅捐局分卡雅魯縣山林隊

農况 本站地勢極高氣候寒冷地質多砂石於農業甚不相宜山內平坦之地種馬鈴薯及大頭白菜大麥等已開墾之地約三十二垧農民百餘人

### 博克圖站

位置 本站地屬雅魯縣在縣治西北二百六十里路警第二段段署駐此

交通 西接興安南控雅魯地勢高峻山谷阻深東西交通祇此一線山內行人絕迹乃險阻之地也

風俗 博克圖者達呼哩語鹿苑之謂也山中多鹿故以爲名今達呼哩人已避入山中深處鹿亦絕少居民多爲直魯兩省人以苦力爲生現有男女人口共九百五十餘人又白俄僑民四百二十餘人蘇聯僑民五百六十餘人日僑不及十人韓僑二十四五人

山水 本站在萬山之中皆興安嶺山脈也西南山坡下爲雅魯河深處可丈許淺處二三尺河身寬狹不一水流湍急異常不能行舟

物產 本站附近物產年計木材木料一千零九十噸木耳二十噸大頭白菜四十噸番薯二十噸  
輸出品 全年輸出經由本站者木料七萬一千六百噸運銷於昂昂溪安達哈爾濱長春大連等地木耳二萬二千一百噸石灰一百十二噸以運銷於昂昂溪安達者爲多數

輸入品 全年輸入經由本站者布疋約二噸棉花半噸麵粉二十八噸包米十九噸菜蔬肉類四十三噸酒油十三噸大米鹽斤十七噸雜貨三十八噸

森林 本站西南百二十里有火燎溝林場週圍面積約五百方里係永利採木公司新義採木公司東方採木公司分段開採其運輸除東方採木公司修築之鐵路約百五十里與東路銜接外其永利新義兩公司則以馬車拉運三公司每年能採木四千火車左右永利採木公司經理王南屏每年工作工人二百餘人新義採木公司經理李德才每年工作工人三百餘人東方採木公司經理俄人干克諾夫每年工作工人一千二百人每年利益東方採木公司因築路故成本較重虧累甚巨永利新義兩採木公司每年獲利各約一萬餘元此項木料均由本路各站輸出林場內駐有雅魯縣公安第三分局保護尙無胡匪滋擾林木未開採者尙有十分之二

治安 本站由路警護路軍保護特區界內由特警保護林場由雅魯公安第三分局保護



旅舍 市內僅有小店三四家均爲工人棲息之所

鐵路設備 有俱樂部一處備有少許之圖書又設有醫院公園球場各一所

地方狀況 本站未築路以前有通海拉爾大路名曰雅魯博克都臺祇有軍臺戍卒數人路綫既通此爲重鎮以其爲興安後路也

市政 本站有電燈廠一處俄人吉皆英昂經理馬路則虛有其形鐵路工廠一處能修理機車及車輛機關 本站機關除關於本路路政者外其他列下

護路軍江省十五旅第三十八團 東省特別區警察第四區第二分署 東省特別區市政分局

以上均設於鐵路東商會

雅魯徵收局 札免林業籌備處駐博事務所 郵務局 以上均設於華街

雅魯縣公安第三分局 設於林場內

學校 本站市內有特區第十二初高小學一處學生一百二十八人俄僑高級小學一處學生七十八人經費均出自東省特別區教育廳

自治團體 市內設有商會鄉自治會市政局各一處

農況 地勢多山氣候寒冷不適耕種東北山之陽植菜菔數頃而已曠野地勢不平土石相混可墾之地殊少農民二百餘人

### 興安嶺站

**位置** 本站地屬呼倫縣在縣治東南四百里站後山坡迤邐路警分駐所在山坡之上

**交通** 南三十里爲西南溝北三十里爲東北溝均爲當年通蒙古及入俄國之要道山勢峻拔林木蔽虧旅行最爲困難自鐵路築成溝道遂廢

**風俗** 此站非游牧耕種之所自昔杳無人煙今戶口統計不及二百人除本路工作外即係伐木爲生活之少數貧民教育不興商業不振智識進化無可言者

**山水** 本站在興安嶺上興安嶺爲西北最高之山形勢扼要宛如屏障爲軍事上之要隘前俄於此駐軍峯巒高處故壘尙在山腹鑿隧道長六里寬二丈五尺高三丈火車經過隧道計行八分鐘隧道東西口各築礮臺站之南三十里有小河土名西南河北三十里有小河土名北大河均通呼倫貝爾而入於嫩江流域考此嶺在地理上名爲西興安嶺亦名大興安嶺其脈自外蒙古與遼寧交界處之索岳爾濟山起北行至室韋迄於黑龍江南岸亘七八百里爲嫩江與額爾古訥河之分水嶺

**古蹟** 有關帝廟故址築路時工人隳資所建也今廢

**名勝** 興安嶺之陽爲避暑療病之地房屋參差天然入畫環山帶澗氣候清涼其風景幽邃別饒野趣非札蘭屯所及也

**物產** 本站附近物產除木料外即爲皮張年計木料約十三萬二千噸灰鼠皮約二千張麂皮約八百

張白兔皮約五百張樺樹皮油約四百斤高麗菓約二百斤

輸出品 全年輸出經由本站者木料四萬九千五百噸行銷安達滿溝等處鷹皮灰鼠皮白兔皮銷行於西洋最多

輸入品 全年輸入麵粉約二千甫特包米三千甫特供附近居民之需並不外運

森林 興安本森林區域西歷一千九百零二年時俄人石不全克獨資創辦故土人名之曰石不全克林場距興安十八里之宜力克都車站修有運木鐵道長六十餘里直通興安北大溝名之曰四十九號在此處設有賬房內容宏大設備完全伐木工人達二千人產量之多可以想見迨白俄失敗石不全克引日人爲護符合股辦理經我國以領土主權所在拒而不許乃改爲中日俄合辦定名曰札兔林業公司蓋以札蘭屯至免渡河之林區均歸該公司採伐也彼時營業之發達較白俄時代更盛迨民國十八年以該公司辦事諸多流弊擬將此林區收回取銷札兔公司名義歸我國自行辦理而日本猶持異說故公司現尙停辦並禁止日人私運考此林區綿亘數百里產量無數自俄人石不全克創辦採迄今已三十年以本站比較南北僅開出各五十里而未開伐者不可勝計札兔公司曾自辦警察保護名曰山林隊其採伐之木材除經本路輸出外並無其他輸出辦法

治安 本站有路警右護路軍站外有呼倫縣山林警備隊兼以荒山千里無窩匪處故四時均極安謐

鐵路設備 本站相距六里之遙路局在南隧道口外設病院及球場俗稱路員避暑場

機關 有護路軍營部軍用電報局札免林業辦公處

農況 本站之地因氣候寒冷不能耕種故荒山千里無人開墾

宜立克都站

位置 本站地屬呼倫縣在縣治東南三百六十里有路警分駐所自此以西直至滿洲里皆路警第三段管轄之區矣

交通 蒙古語謂徒步曰宜立克都蓋上下興安嶺非徒步不可以山勢陡峻也過此則山路稍平可以乘馬而行矣

山水 興安嶺以西皆高原此處山脈漸夷西行大山漸少距站里許有烏奴爾河寬丈餘水深五六尺發源於興安嶺流入海拉爾河

名勝 興安嶺森林茂盛夏日鳥語花香可供遊賞其次即烏奴爾河水清而綠亦堪寓目

物產 本站附近物產以樺木爲大宗年約一千五六百噸其次爲羊草約七八噸

輸出品 全年輸出經由本站者樺木約一千五六百噸運銷哈爾濱遼寧等處

輸入品 全年輸入米麵兩項約三四噸

治安 本站有路警及護路軍一排站外爲呼倫縣公安第四分所地方安靜

鐵路設備 有小公園二處沐浴場一處又俄人私設球場一處

地方狀況 荒涼特甚商民只五六十戶

機關 有黑龍江省防軍步兵第一旅六團一營四連之第三排及呼倫縣公安第四分所  
農況 因氣候不宜農業故無人注意開荒

### 烏奴爾站

位置 本站地屬呼倫縣在縣治東南三百里站有路警分駐所

山水 羣山環繞站西一華里許有烏奴爾河寬丈餘深約五六尺不能行舟

物產 本站附近物產年計木料石灰約一百五十噸皮張約二三噸

輸出品 全年輸出經由本站者木料約一百五十噸運銷安達宋站滿溝等處石灰約一百五十噸供

給本路購用皮張銷於內地各省

輸入品 全年輸入經由本站者麵粉約四十噸小米約二百噸

森林 站西南九十里有機關山森林甚密交通不便現歸札免林業公司開伐已達三分之一用工人約百餘名每年產量約一百五十萬噸均由本路輸出並無其他轉運方法每年得利甚厚因無常駐軍警保護索倫蒙匪滋擾甚厲

治安 除路警外有護路軍一連每屆夏令時有蒙匪滋擾

地方狀況 昔爲荒地無居民今有華俄人民數十戶

機關 有黑龍江陸軍步兵第一旅六團一營之第四連

免渡河站

位置 本站地屬呼倫縣在縣治東約三百餘里站有路警分駐所

風俗 此處本舊日臺站蒙民居之今有鐵路工人職員居家並少數小本商人風俗樸素

山水 本站位於免渡河之陽距河五里餘此河發源於興安嶺之陰流至牙克石站入海拉爾河水深

約二三尺至五六尺不等寬約八九尺至十餘尺並無船隻附近之山係興安嶺之支脈站北三里許有

旗子山峰不甚高

物產 本站無大宗物產僅產羊草及少數木杆木柈木炭供牧畜燃料之用

輸出品 冬季僅有少數木杆木料及工人製之木炭運至他處售賣

輸入品 全年輸入麵粉約四十餘噸食糧約十餘噸油酒雜貨約五六噸

森林 本站東北約四十里許有札免採木公司林場即中日合辦者現因改訂合同經黑龍江政府命

令停辦在未停辦以前所伐之木料由烏奴爾宜立克都兩站輸出

治安 本站有軍警保護特區有特警維持

鐵路設備 路局設職員避暑校舍一處內置遊戲場器械完備又鐵路俱樂部電燈廠浴室各一處

地方狀況 築路之時此站設五恰司五恰司者工程總區之地也然出產較少商業不繁兼以路成以

後將五恰司站取銷故地方商況遽形衰落市面通用以哈幣爲標準

市政 本站無市政可言鐵路設電燈廠一處

機關 有護路軍江軍步兵一旅六團團部及特區警察駐在所

學校 本站原設有蘇聯第十二學校一處均係俄生男女共計六十三名因中俄事變停辦

農况 地近寒帶不宜耕種僅有少數俄僑於附近種植小麥土豆等

### 牙克石站

位置 本站地屬呼倫縣在縣治之東約一百五十里有路警分駐所

交通 牙克石本名雅克薩爲呼倫境內臺站之一此與黑龍江北岸之雅克薩城異地而同名並無城

鎮今軍臺已廢無其他交通大道

山水 本站在海拉爾河之陰免渡河之西海拉爾河發源於興安嶺至本站之北會免渡河西流至札

勒木特寬約六七丈深約丈餘站之南山嶺起伏均興安嶺支脈也

古蹟 站南二里山巔有蒙古鄂博鄂博者蒙古俗祈禱之所累石如塔形今人訛爲撓寶或名開寶每年

六月間蒙古喇嘛及蒙民等來此携牲牢致祭行者過此往往繫布條樹枝之屬以爲歸途辨認之地

物產 本站附近物產年計道木五十餘萬根電桿三萬餘根羊草七十餘噸

輸出品 全年輸出經由本站者道木五十餘萬根電桿三萬餘根羊草六十餘噸行銷於海滿等處

輸入品 全年輸入經由本站者麵粉約一百五十餘噸高糧油鹽等四五噸

森林 本站東北九十餘里有林場歸海敏公司採伐此公司係黑龍江省政府及中東鐵路公司俄人沃倫錯夫合資組織創辦其始沃倫錯夫於前清光緒年間獨力創辦旋與中東鐵路公司合股民國十七年經江省政府以權利關係遂與之交涉另立合同省政府以林場爲股本占十分之四鐵路及沃倫錯夫各占十分之三改稱海敏公司在十八年時有華工八百餘人俄工三百餘人年產道木十餘萬根電杆三萬餘根呼倫縣設警察十餘名保護之

治安 本站有路警及護路軍特區以外有呼倫縣公安第五分所

地方狀況 本站因與海敏公司運道相通之故人口較多市面亦尙可觀

機關 有護路軍江軍步兵第一旅六團二營之第五連暨呼倫縣公安局第五分所呼倫縣徵收分卡

學校 有東省特別區初等小學校俄生八十名每月經費一百三十元由東省特別區教育廳發給

農況 本站地近寒帶僅有少數華俄人種植小麥及番薯白菜等蒙旗荒地尙未經官府出放附近農

民本國人三十餘人俄人一百二十餘人已墾者二百八十餘垧待墾者無算

### 札勒木特站

位置 本站地屬呼倫縣在縣治東南一百二十里有路警分駐所

交通 此亦從前臺站名札勒木太今廢



風俗 人口已達一百五十餘人住戶皆以牧養牛羊及秋季收割羊草爲生華俄皆有之  
山水 本站南北多土山不著名相距三四里處有高峯約三十丈站北四五里有海拉爾河自東而西  
寬約二丈深約六七尺

物產 本站附近物產羊草五千二百九十餘噸白藤二噸半有餘

輸出品 全年輸出經由本站者羊草三千餘噸行銷於本路沿線各站而以海拉爾滿洲里爲最多白  
藤二噸餘行銷於各繁盛城市以海拉爾哈爾濱爲最多

輸入品 本站無商舖住戶日用以米麵油鹽爲大宗居民自赴各處零星購買無從統計

機關 有護路軍黑龍江陸軍步兵第一旅第六團第二營第七連之第一排

農況 本站附近全係荒地現無開墾者

### 哈克站

位置 本站地屬呼倫縣在縣治東六十里有路警分駐所

交通 哈克爲臺站孔道除本路路線外尙有陸路可達呼倫縣及扎勒木特站往往有用腳車裝運貨  
品者南通蒙古屯東通河渡及蒙古屯腳車載運四時均可通行而以秋冬往來者爲多由呼倫至哈克  
之馬車往返約需五元之譜

風俗 本站附近俄僑六戶均住此二十餘年華人二戶或牧養或工作凡傭勞工者均係來自他省站

南四十里外有蒙古屯計二十餘戶站東二十里處亦有蒙古屯計三十餘戶蒙人皆崇佛衣飾仍舊制無剪髮者業牧養以度生活移徙無定每於夏令舍其原居尋覓近水多草處冬則仍歸其原處居住

山水 站東北有海拉爾河蜿蜒曲折多支流水深處約丈許淺則數尺河寬十數丈至二十餘丈最狹處僅三四丈自吉勒奇老山之西麓流通蟻馬河大賚湖無舟楫祇有渡口一處及捕魚之渡舟一

物產 本站近河產魚甚多其次牛羊繁殖增減無定

輸出品 全年輸出經由本站者以牛羊爲大宗平時輸出寥寥每屆六七八九等月每逢星期二五每日裝火車十數輛至二十餘輛不等每火車可裝羊六十隻牛十隻運往哈爾濱銷售此外羊草一種多在春冬之際運銷海拉爾尙有白蘑當採時散售各處而售於海拉爾市內較多至所捕之魚均隨時用腳車運往海拉爾銷售

輸入品 全年輸入經由本站者二三號白麵六百餘甬特秬米十餘石小米二十餘石及其他各項雜貨每年以勞工多寡而定增減

治安 本站除路警保護外尙有護路軍駐站協防四時甚平靜

地方狀況 本站昔時純係蒙古人游牧之區自築路設站始有華人及僑居之俄人往來工作鐵路方面通用哈幣人民則使用黑龍江紙幣者爲多

機關 有黑龍江陸軍步兵第一旅第六團第二營第七連之第二三兩排及呼倫縣徵收局分卡分卡

並非常川駐此每年六七八九等月牛羊輸出時派員來站徵收稅釐

農況 本站地勢低窪草茂水多宜牧而不宜農可墾之地甚罕站之北六七里外及河干中有已墾之地二處均約畝餘祇可種殖菜蔬河之彼岸蒙古草地中亦有已墾之地兩處

### 海拉爾站

位置 本站地屬呼倫縣在縣治東南一里路警第三段海拉爾分署駐此

交通 本站迤南距新街一里距舊城北門約三里有馬車通行由車站至新街需費大洋兩角至北城門需費大洋五角鐵路之外有大道五一通黑龍江省城大道由站向東行二通古北口大道由站向正南行三通張家口大道由站向西南行四通庫倫大道由站向正西行五通庫克多博卡倫入俄境大道由站向北行站之西北十里海拉爾河官渡口有小賊號二隻往來渡人站東八里伊敏河官渡口亦有小賊號二隻往來渡人如於冬季封河凍冰時往來即可踏冰而過賊號爲獨木船長二丈闊容膝頭尖尾銳載數人並可聯數舟爲一以濟車馬

風俗 本站毗近縣城土著概係蒙人其聚族而處者皆漢人之遷徙於此者也風氣習慣相沿未改間有蒙人與漢族同化者所著衣服仍係蒙古裝束蓄髮垂辮者居多女子無纏足者飲食以炒米牛羊肉牛羊乳爲普通用品至於魚鳥米麵蔬菜均非需要食物除城市附近有建房舍者外普通人蒙人限於游牧轉徙無常以穹廬(即蒙古包)爲棲止婚姻重媒妁而以父母主婚聘禮富者或兼用錦帛銀兩普

通爲牲畜其多寡視貧富不等喪葬舊有天葬火葬之習近多有仿漢人土葬者宗教多奉喇嘛教蒙人相見禮儀問安曰門德乃屈右膝行請禮不俟交談出懷中鼻烟壺雙手獻客客接嗅後如禮答之漢人習尙與內地無殊

山水 本站東北五里有胡郁爾温多爾山周二十里高七十餘丈站之正北十餘里有圖普烏勒聚鄂博圖山高百餘丈周三十里站之西南二十里有錫窩山高丈許崗十一周二十五里站之北八里有海拉爾河由興安嶺支脈吉勒奇老山之西麓發源向西南流至牙克石站北折向西流至阿巴該圖山之西折向北流是爲額爾古訥河長六百九十餘里寬二十餘丈深約及丈站之北十里有官渡口一處伊敏河由穆克圖爾山北麓發源向北流至站東北官渡口入海拉爾河計長三百五十餘里寬約十丈許深約五尺站東有鐵路橋梁一座

古蹟 本站西南五里有兩大古墓一爲清道光時京都正黃護軍統領達春巴圖魯恒齡之墳一爲清乾隆時西安右翼副都統明昌之墓祠廟凡四一孔子廟在呼倫縣西門外距站南五里清光緒八年蒙旗合建後燬於俄光緒三十二年重建一關帝廟在西門外清嘉慶元年修建一關岳廟在北門外距站南二里清嘉慶元年修建拳匪之亂燬於俄清光緒三十二年重建一娘娘廟城隍廟均附建於關岳廟院內昭忠祠土地祠在西門外均建於清嘉慶八年昭忠祠後燬於俄民國二年重修內祀歷次戰歿將士三百餘人俗稱先賢祠

名勝 本站西南二百五十里壽甯寺會場一名萬人市即甘珠廟每歲集會一次以八月朔爲集會日期及期北數省漢人諸蒙旗蒙人及外國各商雲集其間而蒙古各旗均以此爲互市地半月閉會在站西南六百餘里有溫泉大小三十餘池溫度不等又站北一千餘里距溫河卡倫四十餘里有泉一可以療疾每逢夏令中外人士浴者甚衆該泉距站雖遠因赴浴之人必由本站起行故並誌之

物產 本地物產植物以羊草爲大宗白麩爲特產動物以馬牛羊爲大宗駱駝次之旱獺紫羊羔爲特產呼倫全境馬約十八萬二千餘匹牛十四萬三千餘頭羊一百四十一萬餘隻駱駝七千餘頭

輸出品 全年輸出經由本站者馬一千八百匹牛五百頭羊四千五百隻猪肉二百噸羊皮一百噸羊毛三百噸奶油三十五噸

輸入品 全年輸入經由本站者煤一萬七千噸木柴三千噸羊草五千五百噸小麥一萬噸

森林 本站之西岡阜突起沙性鬆浮綿延約四五里有古松數千株大可合抱

治安 本站範圍由路警及護路軍保護市內舊街歸呼倫公安局維持新街歸東省特別區警察維持警備司令部派兵四外巡哨並在舊街設軍警聯合稽查處

旅舍 市內無大旅館普通者有金容客棧在西大街旅費每日每人二角至五角不等昌義棧在西頭道街每日每人四角德合永糧棧在頭道街店飯每日每人一元馬一角福興隆馬店在斜街店飯每日每人八角馬一角裕發棧在二道街旅費每日每人三角馬一角祥發馬店人二角馬一角德發和永和

馬棧均在三道街人二角馬一角

鐵路設備 有鐵路醫院鐵路俱樂部(附設網球場及台球)鐵路圖書館(俱樂部圖書館於十八年十一月被燬)

地方狀況 海拉爾爲西北重鎮工商百業自築路以後日有進步惟近年外蒙多事又經兵燹商業僅能維持原狀歷年狀況無大變更市面流通以哈幣爲標準蒙旗以現銀現銀元爲標準

市政 本站市內設有廣信電燈廠廣信泰火磨各一所均爲廣信公司經辦又有中國電話局一所電影園二處戲園一處呼倫官醫院一所

機關 本站機關除關於本路路政外設有 呼倫市政籌備處 哈滿警備司令處 護路軍司令部

海拉爾市政局 東省特別區警察署 東省特別區地方法院第二分庭 東省特別區法院第二

分庭檢察處 東省特別區地畝分局 海拉爾菸酒事務所 以上均設在新街 呼倫縣縣政府

呼倫公安局 呼倫貝爾副都統衙門 呼倫徵收局 以上均設在舊街

學校 市內有呼倫縣公立學校經費由省庫撥給學生約三十人有蒙旗學校經費由副都統衙門支給學生約二十人有東省特別區第二學區區立第十一小學校經費由東省特別區教育廳發給學生約一百三十六七名有海拉爾蘇聯路員子弟學校經費出自鐵路學生一百五十九名有海拉爾鄉立俄僑中學校經費出自鄉自治會學生一百二十名有回教學校學生約三十名經費自籌

自治團體 市內新街有海拉爾鄉自治會商會各一處消防隊一所舊街有商會一處  
農況 縣境土含沙性而水曲草豐宜於畜牧開墾之地五十九响皆係圍地每年收穫五六石穀類有  
大麥小麥鈴鐘麥惟所產無多菜類以老羌菜（即大頭白菜）馬鈴薯（即土豆子）爲大宗全境當蒙旗  
牧界蒙民生計攸關招戶承墾較難興辦

### 烏固諾爾站

位置 本站地屬呼倫縣在縣治西六十里有路警分駐所因官房被燬現駐於鐵道頭道線小道岔路  
綫四等貨車內

交通 東赴呼倫縣西赴望宮均有汽車馬車通行馬車載貨可達千斤單人行旅須自備食物  
風俗 本站除本路職工外祇有蒙民約五六戶秋冬移至鐵道左右居住春夏即移往他處風俗簡陋  
崇拜喇嘛教

山水 站北十五里爲有海拉爾河西流至望宮河寬約二丈深約四尺餘無船隻往來  
輸入品 本站向無商戶故輸入之物僅有關於鐵路自用物品如木料煤石等類上年統計共約四百  
八十五噸駐站軍警及路員食料米麵爲大宗約十五六噸

地方狀況 本站昔爲荒僻之地無人烟築路設站始有路員及工人等歷年來亦無遞進狀況  
機關 有護路軍黑龍江陸軍步兵第一旅六團三營十連一排駐在鐵道四道線四等貨車內

農况 本站附近荒地均不能開墾

### 望宮站

位置 本站一名完工一名望工譯者隨意命名初無定義其名望宮者從站台標識之文地屬呼倫縣在縣治西一百十里有路警分駐所

交通 由此以西除本路路綫交通外無其他交通大路

風俗 本站昔爲荒僻之地惟有蒙民逐水草架帳棚而居每屆夏季輒遷海拉爾北河附近以牧養爲生活至秋後仍搬回素日之食料以牛羊肉爲大宗冬月皆化雪作飲料自交通便利有俄僑來此除在本路謀生活者外其餘均賴牧養

山水 站之北四里爲海拉爾河由東而西寬狹深淺不等

物產 本站附近物產每年羊草約九十噸僅供牧戶留喂畜之用

輸入品 白麵約二十三噸零六百一十六斤秫米約八噸零六百四十斤小米約二噸零一百十二斤

機關 本站除關於本路路政機關外僅駐有護路兵士數人

### 赫勒洪德站

位置 本站地屬臚濱縣在縣治東一百八十里有路警分駐所

山水 本站之北二十里海拉爾河經流處可通大賚湖



物產 本站附近物產每年羊皮可產五千餘張羊毛三百餘甫特  
輸出品 全年輸出經由本站者羊皮四五千張羊毛三百餘甫特  
輸入品 全年輸入經由本站者麵粉約二千甫特小米約三千甫特  
機關 有護路軍黑龍江陸軍步一旅六團三營部附步兵一連  
農況 本站附近並無開墾之地華人蒙人俄民均以牧養爲生活

#### 槎岡站

位置 本站地屬臚濱縣在縣治東南一百二十里有路警此千分駐所此千即槎岡也

山水 海拉爾河在站一里外寬不過四丈深僅丈餘無船隻站北十八里處有大青山爲蒙民拜佛之所又海拉爾河爲暑期沐浴之所夏日遊人亦多

古蹟 本站西南四十里有白旗廟一座築於百年前

物產 本站物產年計牛三千餘頭馬一千餘匹羊六千餘隻羊草四萬餘斤牛皮一百餘張羊皮五千餘張

輸出品 全年輸出經由本站者羊兩千隻羊皮五千餘張

輸入品 全年輸入僅本路職工日用之品約計白米五百石麵粉一千袋

鑛區 本站之北二十里有未開採之金鑛一處位於青石山上曾經吳前督軍籌辦後以蒙民阻撓遂

未着手

地方狀況 本站有華俄人民二十餘戶純屬僻鄉狀況

機關 有護路軍騎兵第二旅第一團第一連連部

札蘭諾爾站

位置 本站地屬臚濱縣在縣治東南六十里有路警分駐所

交通 本站以煤鑛著名有支路達煤窰並有大小汽車三四輛每日開行赴滿洲里每人車費八角又

赴達賚湖濱亦可行車惟無定期往來者

風俗 本站人口無多其繁盛之處全在鑛區鑛丁人類不齊每有鬪毆賭博之事

山水 本站西北四十里爲阿巴蓋圖山中俄交界處也海拉爾河至此折而北行始名額爾古訥河每

逢夏令多數俄僑乘車前往沐浴水道寬約六七丈深約五六尺不能行舟距站四十里許爲大賚湖風

景頗佳人民頗有前往遊覽者海拉爾河與大賚湖之間中有河道可通曰新渾河水狹而流急其水混

濁

物產 本地氣候酷寒五穀不生物產以大頭白菜及土豆爲大宗每年產量各約計一千七百餘噸大

賚湖產魚每年運至此站者約五千餘噸

輸出品 全年出經由本站者鯉魚約五千餘噸行銷安達哈爾濱長春等處大頭白菜土豆行銷滿洲

里各約計一千七百噸左右

輸入品 全年輸入經由本站者大宗物品爲麵粉約四百餘噸

鑛區 本站西南約六里許有已經開採之煤礦現歸本路路局材料處派俄人心密敖夫經營十八年中俄事變煤窰附屬重要建築物盡數炸毀工人二百名於十九年五月十五日全數裁撤業已停止工作平時駐有軍隊保護地方安靖

治安 本站有路警護路軍保護鑛區屬於特種事業兼有呼倫公安局警察駐守

鐵路設備 鐵路在煤窰小站設有鐵路醫院及俱樂部

市政 煤窰原有電燈廠一處經中俄事變被燬本站與煤窰之間交通便利街道縱橫四達俄僑住宅錯落其間惟係土道而非馬路耳

機關 有黑龍江騎兵第二旅一團團部二三四連連部迫擊砲連連部機關槍連連部郵務局臚濱縣公安第一分局臚濱縣徵收分局東省特別區警察第五總署派出所

學校 本站原有華俄學校兩所十八年中俄事變校舍盡被炸毀住戶半多遷移他處已無生徒學校因之停辦

農況 本站氣候甚寒不宜耕種地多荒蕪僅有菜地五百餘垧

### 滿洲里站

**位置** 本站地屬臚濱縣縣治即在特區之內距站半里爲路警第三段署所在

**交通** 西經十八里小站出國境接西伯利亞鐵路站之東南相距約四十二里有札蘭諾爾煤窰長途汽車馬車四時可以通行旅費每人約哈洋一元站東南百里處有呼倫池爲產魚之所雖非鎮市然漁戶在彼居住者約達六千餘人專以捕魚爲業有汽車大車以備運輸每汽車載重五百甫特需費哈洋五元每大車載重約百五十甫特需費哈洋兩元五角站東北約五十里爲與俄分界之阿巴海圖卡與俄之阿巴海圖鎮遙遙相對站之正北約四五里處爲索克圖卡站之西北約四五里處爲察罕敖拉卡以上各卡均爲國防重地以路政不良往來者均以大車或騎馬代步交通頗感不便水道有額爾古訥河在本站東一百八十里雖係著名巨川而上游淺狹下游達室韋縣始能通較大船隻

**風俗** 本路未築成以前蒙民居之轉徙不常地無定名人無定處國界亦因之淆混路成設站復經建築房屋劃分市面國人亦陸續來此智識日見開化頗染歐風近年人口約達一萬餘人

**山水** 本站西有卓羅山東有小津山二山蜿蜒環抱乃險要之地也金時於山之西麓浚壕爲界以禦敵人謂之邊壕民國十八年中俄事變邊防司令梁忠甲氏於兩山間建築溝壘以防蘇聯支持五閱月之久險要可見一斑河流以額爾古訥河爲最著距站甚遠湖泊以呼倫池爲最著俗稱大賚湖或名庫鄂湖枯倫池闊灣海子皆一地也形如橢圓自西南而東北週圍約六百餘里上源有二一爲克魯倫河由池之西南注入一爲烏耳順河上源爲貝爾池由池之東南注入東北流即爲額爾古訥河自古由外

蒙東南來大率皆出此道

古蹟 古蹟以邊壕爲最著其次則蒙人之鄂博舊日之卡倫道里綿長未能實地查勘至最近之建築物則站東五里許之山麓風磨乃清末滿埠俄人建設藉風力以磨麵粉復因風力太強而停辦至今猶有木扇臨空站西五里有舊臚濱府係清光緒年間建築民國十八年中俄事變爲俄兵砲火炸燬現祇存四壁而已

名勝 本站附近並無天然名勝及近人出資建築之園林惟市政公園在站之東南里許由市民出資建設內植樹木花卉並建有電影園跳舞場以助遊人之餘興

物產 以呼倫池之魚爲大宗年產以萬噸計其次爲旱獺皮每年獵捕量數約四十餘萬張又次爲察罕敖拉煤礦之煤每年約五十餘萬噸

輸出品 全年輸出經由本站者魚類約一萬餘噸行銷於東三省及河北諸省此專係冬季輸出春夏只銷附近各站旱獺皮每年分春秋兩季輸出每季約二十餘萬張行銷英美各國

輸入品 全年輸入經由本站者雜糧一千二百餘噸麵粉一千六百餘噸木料二千餘噸煤塊四千餘噸雜貨一千餘噸俄貨運入境內者詳海關冊報

鑛區 本站西北一百五十里爲察罕敖拉乃煤礦之區向由滿洲里廣信公司出資開採民國十八年秋季因中俄事變停工又十八里小站附近有螢石化學家云能製毒氣火藥並能作各種器皿其質透

明五色相間本地人謂之臚濱石產額甚少並無資本家開採

治安 本站軍警林立附近治安平日尙稱安穩惟冬季則稍爲不靖因一交冬令不能作工市內遊閒之人太多勢必迫入違法之途其他春夏秋三季人民或捕魚或獵獺或打羊草各謀其生是以竊盜之事因之減少惟平日嗎啡犯之慣行盜竊蘇聯人之宣傳赤化關於治安甚重幸各機關防衛極嚴並常駐陸軍一旅及特區警察特區馬巡隊縣公安局司法警察市政消防隊軍警稽查處陸軍檢查處等聯絡維持尙稱得力

旅舍 本站市內最著名可靠之旅館飯店約有四家一爲尼吉金旅館二爲岑達拉尼旅館此係俄人開設者一爲北洋旅館一爲聚英樓飯店此係華商開設者每人每日需費約哈洋三元其他如車站食堂則爲專供給上車旅客之西餐飯店

鐵路設備 有鐵路花園附設圖書館醫院浴場戲園等

地方狀況 地接俄疆爲國防重地鐵路設備周密西伯利亞火車直達車站一切建築物皆租自中東鐵路故路局官房多於他處而商民建築亦復不少商業之發展日用之完備歷年以來迭見進步市面流通以哈幣爲標準其以金票爲標準者則少數之日俄商店也

市政 本站市內有市政局經辦電燈廠一處

機關 本站機關除關本路路政者外其他如下

哈滿護路軍司令部在頭道街極東 邊防軍步兵十五旅四十三團團部在東路地包 邊防軍騎兵二旅八團團部在道南二道街 東省特別區警察第五署在道北一道街 東省特別區馬巡隊在小北屯 臚濱縣公安局在道北三道街 臚濱縣司法警察所在東橫道口 市政局在道北四道街 市政籌備處 稅捐局均在道北三道街 無線電台在道北二道街 電報局在道北頭道街 郵政局道在北二道街 臚濱縣縣政府在道北三道街 東省特別區地方法院第三分庭在東橫道口下坎 東省特別區地方法院第三檢察處 市政醫院均在道北四道街 中國海關在道北頭道街 憲兵連在道北二道街 軍警稽查處 市政消防隊在道北四道街 東省特別區監獄看守所 在道南四道街 菸酒公賣局 市政公所均在道北四道街 防疫醫院在道北三道街 日本領事館在道北二道街 蘇聯領事館在道北頭道街 蘇俄海關在道北二道街 學校 本站市內有路立蘇聯路員子弟第六中學校俄生四百三十名華生一名鐵路第十小學校華生一百十八名蘇俄僑民中學校俄生七百名市立小學校華生四十名其經費鐵路設立者由路局擔負市立者由市政局擔負俄僑設立者半由俄僑擔負半由路局擔負

自治團體 市內自治團體設有商會市自治會各一

農况 本站他處極邊兼有大陸氣候多風沙而少雨澤每年三四月後冰始解至八九月間即見霜雪矣故地皆荒而未墾小北河一帶雖有少數國人種菜蔬與大麥等然收穫寥寥無農業之可言

**發展實業** 本站界內可興之實業一爲站西南相距約五十里之察罕敖拉煤礦煤質純良產量甚富廣信公司開辦而旋停一爲畜牧蒙人游牧之俗均未改良倘能集多數之資本家組織牧養公司改良牧養方法則牧養實業之前途必能發達一爲毛織品北蒙之駝絨羊毛等甲於全球倘有毛織公司之組織收買蒙古一帶之毛絨製成毛織物品不但能獲厚利亦且爲發展實業提倡國貨之一法一爲呼倫池之魚業現有之漁戶資本缺乏器具不精難收美滿之成績倘能組織漁業公司用改良新法捕魚一半輸出一半製造罐頭運銷內地不但可發展漁業亦興利實邊之計也

### 十八里小站

**位置** 本站地屬臚濱縣在縣治西三十五里舊有路警及護路軍駐此爲中俄國界所在車站之外有牌坊以木爲之題曰國門今已朽壞民國十八年俄兵入踞其地事定而俄兵不撤故今日鐵路主權僅及於滿洲里而止此站一切情形無從調查



# 中東鐵路各站調查書卷下

南路

顧鄉屯站

位置 本站地屬吉林省濱江縣在縣治之西十五里有路警分駐所自此站以南至二屯站均路警第  
一段轄境

交通 本站迤西二里爲顧鄉屯鎮迤東十五里爲濱江商埠商店林立站南有無線電台北瀕松花江  
自濱江商埠至顧鄉屯鎮每日早七時至晚八時有大汽車往來每車可載十六七人每人需費一二角  
不等馬車僱用須臨時講價每重約須大洋五分依路程遠近定取價之標準

風俗 本站附近農戶居多以接近濱江近年以來人民風俗中西參雜鐵路員司亦有挈眷居此者  
物產 附近物產年計黃豆五百七十三萬五千六百噸小麥四千五百七十三萬二千一百噸穀子四  
百三十五萬二千六百噸高糧四百三十七萬六千五百噸

輸出品 全年輸出經由本站者豆油約五千六百四十二噸豆餅約五萬三千一百五十六噸麵粉二  
萬六千噸糜子二千四百五十噸分銷大連海參崴等處

輸入品 本站附近輸入年計黃豆約五萬一千六百九十六噸小麥約二千八百五十噸煤約六千  
三百二十四噸油草約二百六十五噸

治安 本站由路警保護四時平靜

地方狀況 顧鄉屯鎮有燒鍋一處機器油坊五家麵粉公司一家每至冬季糧車雲集

機關 有東省特別區警察分駐所無線電台稅捐分局屠宰分局均設於市內大直街東西兩首

學校 有東省特別區區立初高級兩處男女生共二百餘名經費由東省特別區教育廳發給

農況 本站附近一帶農民多數籍隸山東均以種菜爲生運往哈埠市內售賣市北江套荒地多已開放有朝鮮人租賃種植水稻市內住朝鮮人數十戶均携有眷屬

沈家王崗站

位置 本站地屬濱江縣在縣治西南二十里有路警分駐所

交通 附近十八里即顧鄉屯鎮鄉民運輸往來多乘鄉間大板車以旅費既少容載又多交通亦頗便利也

物產 本站附近物產全年統計大豆小麥包米穀子高糧等共約五萬三千二百七十五噸左右

輸出品 全年輸出大豆小麥約四萬三千一百四十五噸每屆冬季皆用大板車運往顧鄉屯出售

輸入品 除少數路員住戶外均爲農民故無大宗物品輸入

地方狀況 本站附近無街市通用紙幣以吉帖哈洋兩種爲標準

機關 除關於路政者外並無其他機關

農況 本地附近農業年來日見進展田地均已開墾農民國入三千四百八十人外僑約四十人

## 二屯站

位置 本站地屬雙城縣在縣治東北相距六十五里有路警分駐所

交通 本站附近與鑲紅旗頭屯毘連西南耶家燒鍋東南鑲紅旗五屯西北蔡家溝迤南唐家窩棚徐家窩棚迤西雙井子正北七里許蔣化屯迤東十二里與榆樹林子相連距站六十五里爲雙城縣鄉間道路四通八達行遠運輸俱以數馬駕大板車頗爲便利

山水 自本站迤南行有岡阜長二里許俗曰土崗行人於崗上可遙望老山頭崗上有樹而不成林可以耕種正北三十里有河一道南流入松花江俗名北江沿江居民駕小舟捕魚爲業

古蹟 本站東南三十里有屯名曰東關所屯中有關帝廟周圍四里地勢突然高出內建大殿四層廟前有河道後有樹林頗具天然勝景每年四月廿八日舉行廟會凡在二三十里內住戶均前往進香百貨陳列於此人數多至三五千人爲雙城縣境第一古蹟

物產 雙城一縣之地分爲九區惟二區之地最廣計八萬响即本站所在也每年出產紅糧小麥穀子大豆各約計四十餘萬石

輸出品 本站附近出產之紅糧小麥穀子大豆等或經鐵路輸出或由民間以大車輸運迤南行銷五家子雙城堡迤北行銷哈爾濱顧鄉屯爲數未詳

**輸入品** 本站爲東路小站並無大宗輸入

**學校** 本站附近鑲紅旗二屯設有私塾一處學生二十餘人經費由各糧戶公攤

**農況** 農田均係國人承種約計千餘戶

### 五家子站

**位置** 本站地屬雙城縣在縣治東北十五里自此以南直抵長春車站之北端均路警第六段轄境五

家子有路警分駐所設於站之附近

**交通** 鄉間通行均用大車運裝每車約載一噸許夏間路多伏莽頗不便於行旅

**風俗** 居民土著者約二千四五百人自他省來者約一千二三百人種族漢人多而旗人少故風俗無

甚殊異

**物產** 附近物產年計大豆三千餘噸高糧二千餘噸

**輸出品** 全年輸出經由本站者大豆約六千五百噸

**輸入品** 本站因非大鎮故無大宗輸入附近人民日用之物悉由各住戶零星自購數量無從統計

**治安** 本站有路警護路軍特區以外有雙城縣警臨時並設有鄉團協同維持地面尙爲安靜

**機關** 有東北陸軍步兵第七旅之騎兵駐站之迤南雙城縣稅捐分局設在票房後身

**農況** 本站營業發展附近之地均已開墾成熟農戶均係本國人約有一千五百人之數

## 雙城堡站

位置 本站地屬雙城縣在縣治東北六里許有路警雙城堡分駐所

交通 由站赴雙城縣有輕便鐵道往來載客及輸運貨物每客一人車價吉林官帖四十吊輸運貨物

運費臨時定之此外尙有馬車攬坐旅客需價吉官帖四五十吊不等四時通行每屆冬春則汽車往來

夏秋二季則無

風俗 雙城地方開闢最早兼以交通便利教育普及智識因之日趨開化

物產 雙城物產年計元豆約三十一萬五千五百七十餘噸小麥十一萬二千五百餘噸紅糧十一萬

三千餘噸雜糧十四萬三千五百餘噸

輸出品 全年輸出經由本站者元豆二十一萬一千噸運銷大連小麥九萬七千五百噸行銷長春轉

運遼寧等省

輸入品 全年輸入經由本站者布疋棉花紙煙雜貨石煤木料等類統共約計十八萬五千噸

治安 本站由路警保護並駐有護路軍東北陸軍第七旅司令部及五十七團一營之第三連暨重迫

擊砲連維持沿綫治安站外有特區第二區第二警察署雙城堡駐在所維持治安

旅舍 本站附近僅有福合棧東盛棧同興棧小客棧三家以備往來行旅投宿取價甚廉

鐵路設備 有花園醫院沐浴場各一所

**機關** 有東北陸軍第七旅司令部東北陸軍第七旅重迫擊砲連雙城縣稅捐局東省特別區第二區第二警察署雙城堡駐在所均在本路鐵路道南東北陸軍第七旅五十七團一營第三連在鐵路道北

**學校** 有特別區區立第二十五校初級小學校一所男生五十名女生三十名經費由特區教育廳發給

**農況** 雙城縣田畝計七十四萬五千响本站附近地五百七十响均已墾熟全縣統計種地者國人約十六萬五千餘人。

蔡家溝站

**位置** 本站地屬扶餘縣在縣治西北二百四十里有路警分駐所

**交通** 本站附近西南近軌道爲石家崴子距站八里爲十八號村東南距站八里萬家橋四里後十四號村五里腰十四號村八里前十四號村與榆樹縣分界正南距站六里許家坡子東北距站三里珠爾山西北距站三里望鄉約屯正西距站五里東車家店八里十八號村十二里半西車家店西北距站三里車家油房八里四方台四時交通人民均徒步婦孺則乘自備大車以鄉民多自備車輛也夏季多匪人民往來極稀雖係陸路並無汽車可行

**山水** 本站附近三里有土山由北向南長約十里係車王兩姓所有已開闢種糧於山峯之上土名珠爾山河有拉林河寬三十丈深丈餘夏時水大可通五常縣河內可運輸木料下游二百里入松花江

**物產** 本站附近物產年計大豆約五十萬甫特雜糧十四萬甫特粳米五萬二千甫特

輸出品 全年輸出經由本站者大豆一千五百四十噸高糧一千二百五十噸木料三萬噸運銷長春遼寧營口大連等處粳米七百五十噸專銷哈爾濱

輸入品 本站每年由五常四合川等拉林河輸入木料約三萬三百噸除銷本地外餘約三萬噸均經本路轉運輸出大豆由榆林縣輸入約三千石

治安 本站範圍由路警保護附近地面平日會賭之風甚熾匪人出沒無常夏秋尤甚駐有護路軍東北陸軍二連維護路線並有地方特警保護商民

鐵路設備 有公園圖書館醫院球場戲園各一所又浴房一所每星期內煮水一次專供路員及護路軍警沐浴之需

地方狀況 本站近水故兼擅水陸轉運之利市面流通以吉林永衡官帖爲多哈洋次之亦有用金票者自雙城以南各站情形略同

市政 本站市街尙多空地因地畝局放領不易市房頗少市政亦未興辦

機關 東省特別區第二署警察派出所石城稅捐分局均設在特區地界護路東北陸軍五十七團一營營部及連部均設在站界以內

學校 市街有扶餘縣設立小學校一所分一二三年級學生約五十名經費出自縣署東省特別區區立小學校一所學期亦分一二三年級男生女生共九十餘名經費由特別區教育廳發給

農況 本站附近田地均種豆糧沿鐵道特區界內之地則皆出租計國人四五戶種菜蔬韓僑十餘人種稻米並無待墾之荒地

### 三岔河站

位置 本站地屬扶餘縣在縣治東有路警分駐所

交通 南通松花江北達洙流河東至弓棚鎮西望榆樹溝松花江有風船輪船來往航線上行直抵省城以上下行直抵扶餘縣北岸行程計一日船資二三元不等榆樹溝爲扶餘縣著名之巨鎮距站三十里半日可達汽車數十分鐘可至車資八角一元不等弓棚鎮爲扶餘縣之大鎮距站四十里半日可達冬日結冰時期道路堅硬汽車馬車來往絡繹不絕夏日雨水連綿道路泥濘則車馬絕跡矣

風俗 本站在數十年時住戶不過數戶商業僅二三家自本路開通人口增加籍貫不一風俗各仍其舊

古蹟 本站東八里之遙石城鎮後身有石城一座三面均倒塌惟城之北部則石壁峭立相傳明代某將軍曾屯兵於此

物產 本站附近物產豆爲大宗每地一晌年穫大豆四石有奇計重一噸一二

輸出品 全年輸出經由本站者元豆一萬五千餘噸小麥一百五十餘噸行銷地以大連爲多數

輸入出 本站輸入經由本站者以雜貨爲大宗洋廣貨次之噸量無從統計



旅舍 本站旅舍無著名可靠者不過備來往行旅臨時宿食而已每人每日宿食費約須一元

鐵路設備 本站南北球場兩所一爲華人所設一爲俄人組織

地方狀況 本站居民現有千餘戶商賈輻輳樓房接棟馬路寬廣居然巨鎮

市政 市內有前吉林陸軍于師長創辦電燈公司一所現已兌與商人吳煥章經理

機關 有護路軍東北陸軍步兵第七旅五十七團三營本部東省特別區警察駐在所扶餘縣石城稅

捐總局扶餘縣第六區公安局

學校 市內有東省特別區區立第八小學校男生女生共二百人分華俄兩文專科經費由特區教育

廳發給縣立第四小學校學生八十名華英兩文爲專科經費由縣政府發給

自治團體 市內設有孔教會商務會農務會各一處

農況 本站附近土質肥沃均已開熟農民國人爲多水田由朝鮮人承種

#### 陶賴昭站

位置 本站地屬扶餘縣在縣治東南二百四十里有路警分駐所

交通 東距五棵樹鎮五十里北距陶賴昭村八里旁近扶餘縣榆樹縣五常縣均可通行汽車每人車

資全扶餘縣哈幣八元榆樹縣哈幣六元五常縣哈幣十二元每車能容二十人每年由十月起開行至

次年五月止

物產 本站附近物產年計元豆三萬一千四百一十噸高糧二萬九千六百九十六噸

輸出品 全年輸出經由本站者元豆二萬四千八百四十八噸高糧六千二百一十二噸

輸入品 全年輸入經由本站者布疋四千三百三十六噸雜貨三千二百五十二噸紙煙一千六百二十六噸煤油一千零八十八噸

旅舍 市內有東興棧福順棧萬聚興三家爲較大每日食宿需費哈幣一元

機關 護路軍七十二團一營東省特別區警察第二區派出所電報局扶餘縣稅捐分局均設在特區界內扶餘縣警察第八安分局設於縣界內

學校 本站市內有東省特別區區立第二十六小學校女生三十五名男生三十名朝鮮女生五名經費由特區教育廳發放扶餘縣第四學區區立第六小學校學生八十三名朝鮮學生二名經費由扶餘縣縣政府籌撥

自治團體 有商務會農務會奉熱吉黑四省聯合分會中國紅十字分會扶餘縣第八自治分局

農況 本站附近土地肥沃均已開墾農戶國人約一千八百數十名韓籍人民十二名

### 松花江站

位置 本站地屬德惠縣在縣治西北四十里有路警分駐所

交通 東至陶賴昭十八里西至靠屯二十五里南至德惠縣城北至扶餘縣城均距六十里船隻均可

通行惟缺長途汽車及馬車往來輪船至扶餘縣每人船價哈幣五元四角至大賚縣七元四角頭號貨船能載貨二十萬斤由松至大賚運價哈洋二千六百六十七元每年清明後開航霜降前停航

風俗 本站人民籍隸山東河北者居多農人較衆商工者次之人數約二千三四百名風俗無特異處  
山水 本站附近有土嶺二南北分列俗名前山後山二嶺東西延長均有十餘里寬四五里高約六七  
十步水則爲松花江蜿蜒環繞深淺無定夏間深處可達八九丈江寬約二三里秋間水落寬約里許深  
丈餘

名勝 本站在近松花江南岸夏間中俄人士避暑來此路局設備房舍並栽種花木空氣清曠泛舟江  
中誠一幅天然圖畫也

物產 本站附近物產年計大豆一千八百零七噸小麥高粱菘豆小米等共計一千二百八十噸

輸出品 全年輸出經由本站者大豆約八千二百噸小麥高粱菘豆等共約九千零八十七噸均運至  
長春後分銷大磁缸五百八十火車係由吉林缸窰用船運來轉運至哈綏哈滿沿線各縣村鎮銷售

輸入品 全年由肇州扶餘等縣輸入本站由本路輸運他處者大豆小麥菘豆小米等約計一萬五千  
三百噸大半由船隻運來由哈長兩處輸入本站坐銷者麵粉火油糖米雜貨煤炭布疋等統計三千五  
百二十三噸

治安 本站有路警有護路軍特區有特警每屆夏季青紗帳起路警專任保護站台上附近特警擔

任維持特區界相近地面護路軍則在距站四外專任派隊下道巡梭遇事互相接應尙無意外之虞  
旅舍 本站附近祇有草房小店十家不堪容止路局建有大房舍計一二三四與四十五十六十七  
及三十等號九座每一房間號內隔成小房六七間至九十間不等此等房每間月租哈洋五六十元至  
七八十元租此房者半係夏季來此避暑之人

鐵路設備 有俱樂部一所球場兩處醫院一所浴室一所

地方狀況 有大小商號二十餘家金融流通以吉林永衡官帖爲本位哈幣次之俄人築路之初以此  
爲水陸匯集之地以爲發展必速年來糧商盡赴達家溝站收買糧石本站市面頗有凋落之象

市政 本站俄商設有電燈廠一處

機關 前山駐有東北陸軍第七旅四十二團團部迫擊砲連平射砲連後山駐有東北陸軍第七旅四

十二團第一營營部機關槍連特區有警察第二區分駐所市內有德惠縣稅捐第二分局

學校 市內設有私立初級小學校學生五十餘名經費由地方商民捐輸

自治團體 市內有商會在理公所各一所

農况 本站附近地畝已墾者計四百餘响待墾者五百餘响農戶本國人四百餘名

### 審門站

位置 本站地屬德惠縣在縣治北四十里路警第六段分署駐此

交通 南至靠山屯六十里西至郭家屯四十五里東至德惠縣四十里北至農安縣九十里由站至德惠縣可通汽車四時均能駛行每車乘客四人每人車資吉錢三百吊郭家屯靠山屯等鎮春冬兩季可通汽車車資各有定價並有舊式轎車四季均可往來車價隨時而定又有七套大車專爲運送各種貨物夏秋季每車能裝載一千斤左右冬春季能裝運三千餘斤運價按件計算每件重量由一百二十斤至一百八十斤運至德惠縣冬春季一百吊夏秋季二百吊運送農安縣冬春兩季二百吊夏秋季三百吊靠山屯夏季二百五十吊冬季一百吊

山水 本站東北十八里有驛馬河寬五丈夏季水深五六尺春季不滿三尺僅有捕魚小舟不能通航物產 當地物產年計大豆三千萬噸紅糧穀子各二千餘萬噸

輸出品 全年輸出經山本站者大豆約三千噸紅糧二萬八千噸雜糧一萬四五千噸

輸入品 全年輸入經由本站者綢緞布疋一百五六十萬噸茶葉藥材約千餘噸鮮果雜貨八九十噸

治安 本站由路警保護市內由東省特區警察第二總署守望維持本站及道綫護路軍第七旅七十

二團團部及第一營營部巡防每值冬夏時期青紗帳起胡匪出沒無常軍警聯合梭巡以防不虞

旅舍 本站無較優旅館僅有大車店七家每人膳宿吉錢一百二十吊住乾店者每人四十吊

鐵路設備 有公園球場浴室電影園食堂醫院尙屬整潔

地方狀況 寬城雙城之間論地方繁盛必以審門爲最鐵路未築以前農業即已發達今鄰屯鄉人到

此或大車或步行冬令用爬犁往來爲客商運輸糧石皆係大車裝載將糧運到交卸後於回屯時復代商家輸運仍回原處旅客及出入口貨物歷年增加近五六年來長途汽車亦甚盛行鄉區日漸便利行旅亦免困難商業亦因之發展市面通用以現銀吉林永衡官帖爲本位奉票江帖哈洋金票亦照常行使惟須按市價折合方能適用耳

市政 特區界有俄商電燈廠一處專供商民燃用東路設電燈廠一處在站台附近專爲鐵路辦公及員司需用市政局建修土質馬路三條每遇雨後道路泥濘通行不便

機關 有陸軍第七旅七十二團團部及第一營營部東省特別區警察第二總署市政分局地畝分局長途電話局郵政局均設在特區界稅捐局硝磺分局印花稅分處德惠縣公安第四分局均設在鄉鎮

第四區界內

學校 特區界內有東省特別區區立第十三小學校內高等班學生二十二名初等班八十二名特別區區立第二女子高小學校內高等班女生二十九名男生一名初等班女生一百三十九名男生四十九名經費由特區教育廳發給蘇聯路員子弟第五小學校內初等四班男女生一百十名中等五班男女生三百二十名經費由路局發給鄉四區界德惠縣縣立第一高等小學校內高等四班學生一百二十名初等五班學生二百二十名由縣政府籌發

自治團體 本站道外第四區界設有商務會戒煙酒在理分會各一處特區界設有慈善分會一處

農況 本站附近地畝已開墾者五千八百七晌未開墾者十五晌農民七十三戶俄僑二戶道外德惠縣鄉四區境已墾者二萬七千六百五十晌待墾者無農民四千二百三十七戶韓僑六戶

### 烏海站

位置 本站地屬德惠縣在縣治西南九十里有路警分駐所

交通 本站有赴農安縣之旱道名大于路相距一百里往來祇有牲力大車南距雙隆鎮十二里北距

張家灣鎮三十里

山水 本站北里許有烏海河寬丈餘深六尺東西流下通三岔河無船隻

古蹟 本站之南十二里雙廟子村有關帝廟規模極小每年四月初八十六二十八日人民集市於此

物產 本站地界物產高糧大豆爲大宗

輸出品 全年輸出高糧大豆約二千餘石運至長春後轉運分銷

輸入品 輸入之品爲麵粉豆油雜貨爲數甚微

地方狀況 本站地方偏僻附近人口不過百餘人

機關 有護路軍東北陸軍第七旅七十二團三營十一連

農況 本站附近地畝均已開墾種地者均係國人

### 米沙子站

**位置** 本站地屬長春縣在縣治東北六十里有路警分駐所

**交通** 本站正南十八里爲卡倫鎮西南三十五里爲萬寶山往來有舊式馬車

**物產** 本站地界物產年計大豆約四千噸

**輸出品** 全年輸出大豆約一千二百噸運至長春分銷大連

**輸入品** 全年輸入麵粉約千餘袋其他雜貨寥寥

**治安** 本站由路警護路軍保護地面安寧沿路及特區並有護路軍及特警分別駐防維持

**旅舍** 本站有小店三四家

**地方狀況** 米沙子爲南路小站現僅有商鋪六七家

**機關** 有東北陸軍步兵第七旅七十二團三營之第十連東省特別區警察第二區派出所

**學校** 本站市內設有長春縣鄉立小學校學生三十人經費由本鄉籌捐

**農況** 本站農民現計一千餘戶均係國人多自內地遷來者

### 寬城子站

**位置** 本站地屬長春縣在縣治北五里路警第六段總署駐此

**交通** 本站南接南滿綫鐵路東有吉長鐵路北有汽車路可至農安縣路長一百四十里僅冬季可以通行每人車資約五六元東南通雙陽縣冬季亦通汽車每人車資約需八九元此外尙有轎車四時可



通每人車資約需五六元

風俗 本站市民以由山東移居者最多河北河南兩省次之其他各省又次之自來風俗樸厚近以交通日便民智日開而樸厚勤儉之風俗稍替矣

山水 本站東南有伊通河北流會飲馬河而注入松花江河幅約四百尺夏間常有枯乾之時

名勝 本站西南約十里有杏花村爲清同治年間府尹王古愚闢地爲園植木成林中多杏樹因以名焉茅亭荷沼點綴錯落每逢春夏之交樹影花香饒有天然景色惜其地處郊野地方不靖遊客多裹足不前名園荒廢殊可慨也又西公園在滿鐵附屬地內爲日人經營距本站南四里許面積廣大樹木葱鬱土阜邱陵亭橋池沼均極幽邃爲長春第一消暑地中國公園在長春商埠東北隅距本路約六七里四圍繞短垣以老樹參天亦足賞心悅目

物產 本站附近每年物產元豆約四千五百餘石高糧六千石包米三千石小麥四千石小豆六百石  
輸出品 本站每年輸出元豆約三千石高糧二千五百石包米二千石小豆五百石小麥二百石運銷於遼寧大連等處

輸入品 本站每年大宗輸入麵粉一萬餘袋其他雜貨多由頭道溝零星輸入無從統計

治安 本站自路警外有護路軍一連附近有駐防軍一營及特區警察署維持地方四時安謐

鐵路設備 路局在此建有寬廣之俱樂部爲本站最宏麗之娛樂場設備完善車站設有食堂專備俄

餐此外鐵路醫院規模頗小各科亦不甚完全站北有運動場備本路員工休息時運動之用浴室一處祇准本路職工入浴外人概不接待

地方狀況 寬城繁盛始於日俄戰役告終以後南路至此而盡鐵路員工集居於此工商小賈亦多來茲土營業迄今近三十年因距長春過近故無若何之發展市面貨幣凡現洋哈洋永洋永衡官帖奉票日金均可使用

市政 本路有電燈廠一處通電僅限於路局房產市政頗不發達馬路坎坷不平夏季多雨泥濘殊甚機關 有東北陸軍第七旅七十二團二營營本部護路軍第九連吉林軍署稽查處特區市政分局均在局子大街東省特別區第二區一分署在南大營郵務第二支局在大經路長春徵收分局木石稅分局在二經路護路軍檢查處駐本站站舍

學校 市區設有東省特別區第七中學爲特區前任張長官創辦校舍建築宏敞學生九十餘人內附設民衆學校一班未受相當教育之男女老幼前往聽講者亦頗不少東省特別區第十二小學校學生一百三十餘人蘇聯第一二高等國民學校學生一百八十餘人經費均由特區教育廳發給

自治團體 市區有商會一處係本站七十餘家商戶組織而成會長爲豐盛東糧棧經理李明思  
農況 本站附近糧產甚豐農民散居各鄉村內農業以種高糧大豆者爲多

